



類證辨異全九集  
地

中武9  
191  
2止



門 中 武  
編 191  
卷 2 止

文房



類證辨異全九集卷之三



錢塘月湖編繹

入府出羽

田澤仲舒



脉畧要之初

七表脉者是容邪來傷也。左手見之謂之主。入右

手見之謂之客。

八裏脉者是內因自傷也。左手見之謂之客。右

手見之謂之主。

九道脉陰陽各別而相交也。陽長促。陰短虛結

代牢動細。右如此。雖有二十四脉之變。非達人

脉畧要之部

全九集

卷之三

一

文房

則不能審察詳辨。故復真曰：持脈之道，非言可傳，非圖可取。惟在乎心會之而已。但以浮沉遲數四脈爲宗。知風氣冷熱主病矣。浮而有力者風，浮而無力者虛，沉而有力者積，沉而無力者氣。遲而有力者痛，遲而無力者冷。數而有力者熱，數而無力者瘡。右四脈見寸關尺何部現之。寸部屬上焦，頭面胸膈之病。關部屬中焦，腹肚之病。尺部屬下焦，腰腳之病。七表歌：浮主中風，芤失血，滑吐實，下分明，芤爲

拘急，緊爲寒，洪脈由來偏主熱。八裏歌：遲寒，緩結微爲痞，澹脈敗血，濡氣滯，伏患癖痛，沉積冷，弱因患後虛，浮是九道歌：脈長陽毒在三焦，短脈胸中食不消，虛主多驚人恍惚，促時加峻命難逃，結爲氣痞，代羸瘦，四牢者骨蒸似火燒，動則血崩精不固，細瘦脛主枯慄。右二十四道之大數，尚其精微者，在諸家之脈訣矣。四時平脈：春微弦，夏微洪，秋微浮，冬微沉。

四時虛脈 春得沉脈 夏得弦脈 秋得緩脈  
冬得浮脈 長夏得洪脈 素問日至而不至是  
謂虛

四時實脈 春得洪脈 夏得緩脈 秋得沉脈  
冬得弦脈 長夏得浮脈 素問日不至而至是  
謂實

又虛實之一通 春脈弦而實強 夏洪而實強  
秋浮而實強 冬沉而實強 右四時之實脈大過  
之病也 春脈虛微而無弦狀 夏脈虛微而無

洪狀 秋脈虛微而無浮收 冬脈虛微而無沉  
狀 右四時之虛脈不及之病也 入醫者三熱中胃  
右拾箇條先欲入醫學之門可明之者也 脈之  
脈畧要之中 脈之入相與 是入相與  
殘賊之脈 風則脈浮 小寒則脈緊 暑則脈滑  
中濕脈濇 傷於陰則脈沉 傷於陽則脈浮  
弦脈為痛 絕弦為死脈 右弦緊滑濇浮沉之  
六脈名曰殘賊也 脈之入相與 是入相與  
同等之脈 寸關尺三部大小浮沉遲數同等 雖有

寒熱不解爲陰陽和等雖劇必愈

以常之脉曰健人脉病 病人脉健 長人脉短

短人脉長 瘦人脉肥 肥人脉瘦 小壯脉老

老人脉壯 右各反平之候必病深之診也

三部九候 左寸浮候小腸中胃氣沉候心 左關

浮候膽中胃氣沉候肝 左尺浮候膀胱中胃氣

沉候腎 右寸浮候大腸中胃氣沉候肺 右關

浮候胃府中胃氣沉候脾 右尺浮候三焦中胃

氣沉候包絡

關格之脉 自寸口溢上魚際謂之外關內格脉

自尺中覆下尺澤謂之內關外格脉

持脉輕重 肺主皮毛故持脉如三菽重甚輕 心

主血脉故持脉如六菽重輕 脾主肌肉故持脉

如九菽重輕重之中 肝主筋故持脉如十二菽

重重 腎主骨故持脉如十五菽重甚重

男女 三部脉位女亦同男但腎命門異矣男脉寸

口盛女脉尺中盛是其常也

主客伏匿 寸口見沉濇微短之陰而時見本陽

尺中見浮滑長大之陽而時見本陰 右二脉容  
 邪大過故主伏也 寸口見本脉陽時見容陰  
 尺中見本脉陰時見容陽 右二脉主未甚虛故  
 容邪雖來潛伏也  
 右八箇條診切之學將熟者可候焉

脉畧要之與

內外別 脉浮大者病在外 沉細者病在內  
 縱橫逆順之辨 夫乘妻日縱水行乘火之類也賊  
 邪 妻乘夫日橫火行乘水之類也微邪 子乘

母日逆火行乘木之類也實邪 母乘子日順木  
 行乘火之類也虛邪

陰陽一傷辨 傷於陰則脉沉 傷於陽則脉浮  
 陰陽二虛辨 脉數而無力屬心虛 脉大而無力  
 為陽虛 脉數而無力為陰虛 有力為實 無  
 力為虛

妊脉辨 脉動入產門者有胎也 出尺脉外名曰產  
 門 尺脉細滑而不絕者有胎也 兩關帶滑者  
 有胎之脉也 經日滑為多血少氣故有子 陰中

見陽為男，陽中見陰為女。尺脉沉細而滑，或離經夜半覺痛，日中則生，準之知之。

小兒虎口辨，嬰孩一月至三歲，當看虎口內，黃

色為平和，黑色為危急，青紅紫色有痛之候

也，青受胎氣不全，主驚搐，深青臥不安，微

青腹痛尿青，紅驚入脾竅，深紅發熱驚症。

微紅痢痛吐瀉不食，紫胎驚熱，深紫驚哭呻

吟，微紫腸痛吐瀉。

原夢：肝盛夢怒，心盛夢喜，脾盛夢歌樂，肺

盛夢哭，腎盛夢懼，上虛則夢墮，下虛則夢

飛，陽盛夢火，陰盛夢水，陰陽俱虛，夢相殺

擊，飽夢與飢夢取，短虫多夢聚象，長虫

多夢相擊。

右七箇條者，診切之奧儀也。

事上並察證。

凡醫未至病家，先浣口洗手，望空祝，立不中門，

坐不靠壁，臥不解衣，蓋被不可近口，忌起

婦念，休貪心，勿生嫉妬，凡有飲食，務要自

已氣吹過方喫 不可對三光小遺 如出門回

家便地下拾一葉或草攪做兩段分去兩處

望神 面色青痛也 紅熱也 白寒也 黑腎氣

敗也 黃脾氣弱也

聞聖 哭者病在肺 嚏涕肺有風 笑而多涎脾

怒呼肝 泣多肝 呻而多唾腎虧 譫言妄

語汗多心 聲輕者氣弱也 重濁痛也風也

高喊者熱將狂 啞肺疾也 声急者神驚也

聲塞痰也 聲戰寒也 聲噎氣不順也 喘氣

正促也 吹欠知其倦 昏黑舌赤黃如伏今日宜立

問 凡病人先要問常好喫何物作何事何日得

病如何起身上加何 面色青白命門虛火暴熱

切巧 凡切脉務在神氣定息忌酒後不可診脉脉

之大綱在畧要三卷可臆記之 宜右望聞問切醫

謂之四知 人中無氣兼昏者 對氣弱而真神在

諸疾惡證 凡患人足跌腫身重大便不禁目無轉

精者皆死 若面黃目青傷酒風邪在胃 眼胞

陷耳自口鼻黑 入口面白妄語及不語心將危

心疑必



之候也。久病兩頰赤。白口張直氣。脚膝腫  
 滿。體腫溺出。面赤眼白。面青目黃。目無  
 光。面青而變黑。齒齲黑。尸臭。口不合。出  
 氣不反。人中無痕兼背青。掇肩喘而直視。  
 唇青體冷遺尿。背面食。髮直如麻。循衣摸  
 領。項筋舒展。掌內無文。手足爪青黑筋絕。  
 脊疼腰痛骨絕。面黑目白命門敗。唇焦  
 五藏絕證。肝絕面腫蒼黑舌卷青肢力乏目盲泣

多。心絕面顰肩息直視沒掌紋狂言身熱悶  
 脾絕臍跖腫滿面腫黃泄利不知肌肉澁唇反  
 肺絕口鼻氣出不回唇反無文黑似煤皮毛焦爪  
 枯。腎絕面黑齒痛盲目汗如水腰折皮肉濡髮  
 正枯。右久病沉痾有此證者必殂也。  
 見之死候。眼上赤脉下貫瞳人。顙門腫起及作  
 坑。鼻黑乾。肚大青筋。目直視不轉睛。指  
 甲黑。忽鴟聲。虛舌出口。嚙齒咬人。魚口  
 氣急。啼無聲。小蛇虫出。皆是死候。

○關格 關則不得小便格則吐逆關甚熱氣格甚寒  
氣是關無出之由格無入之理 寒在胸中過絕  
不入 熱在下焦填塞不便

○五實 脉盛 心皮熱 肺腹脹 脾二不通 腎悶 腎 肝

○五虛 脉細 心皮寒 肺氣少 肝二泄利 腎 飲食不入

脾

○見少壯老 六歲已上為小兒 十八已上為少年  
二十已上為壯年 五十已上為老年 其六  
歲已下者經所不載是以嬰兒病難治無所兼按

僅以外感視仲景何等  
妄論

故也 凡外感法仲景內傷法東垣熱病用河間雜

四賢辨 外感法仲景內傷法東垣熱病用河間雜  
病用丹溪一以貫之歸於內經此醫道之大全也  
治諸病先調胃說 凡治病察有無飲食傷積便問  
曾何飲食審知傷積即先調脾胃消導飲食然後  
用本病之藥或於本病藥內加消導飲食藥若不  
知審此則藥對證而不効蓋人以脾胃為主胃氣  
自傷則不能運化藥以成功也 凡中其病  
藏氣法時論之說 肝病者平旦慧下晡甚夜半靜

心病者日中慧夜半甚平旦靜  
 脾病者日昃慧日出甚下晡靜  
 肺病者下晡慧日中甚夜半靜  
 腎病者夜半慧四季甚下晡靜  
 ○肝病愈在丙丁丙丁不愈加於庚辛庚辛不死持於甲乙  
 心病愈在戊己戊己不愈加於壬癸壬癸不死持於甲乙甲乙不死持於丙丁  
 脾病愈在庚辛庚辛不死持於甲乙甲乙不死持於丙丁丙丁不死持於戊己  
 肺病愈在壬癸壬癸不愈加於丙丁丙丁不死持於戊己起於庚辛  
 腎病愈在甲乙甲乙不愈加於丙丁丙丁不死持於戊己起於庚辛  
 腎病愈在甲乙甲乙不愈加於丙丁丙丁不死持於戊己起於庚辛

甚於戊己戊己不死持於庚辛起於壬癸○病在  
 肝愈於夏子制其鬼也餘愈同夏不愈甚於秋子休鬼復秋王餘甚同  
 不死持於冬鬼休而母養起於春自得其位故起餘起同  
 右素問之全文翫味之可察五藏之盛衰生死之吉凶也  
 俗醫誤嗜參耆之論 凡泄瀉服參耆甘溫而不愈  
 反為疽蓋泄屬濕甘溫生濕熱故反助邪久則濕熱甚為疽惟用苦溫苦寒治之愈苦寒瀉濕熱苦溫除濕寒也泄止後脾胃虛方參耆補之○凡酒

色過度損肺腎真陰咳痰吐衄咯血等證誤服參耆甘溫病日增過服則死蓋甘溫助氣氣屬陽陽旺則陰愈消前項証乃陰血虛陽火旺宜苦甘寒以生血降火近世治病不知分氣血但見虛便用參耆屬氣虛者固宜若血虛豈不助氣而反耗陰血邪

感傷中

感在皮毛為輕

感寒感風感濕

傷在肌肉稍重

傷風傷寒傷濕

中入藏府最重

中風中寒中濕之類也

右當分

輕重表裏治各不同

兩腎二補之別 人身陰常不足陽常有餘况節欲

者少過欲者多精血虧相火旺而勞瘵咳嗽咯血吐血等作矣故丹溪明補陰之說謂補左尺水古方補藥補右尺火但世人火旺病十居八九火衰疾百無二三矣丹溪發明先聖旨正千載訛其功盛哉

脾胃氣血之辨 胃陽主氣脾陰主血胃納受脾運化胃損不納脾損不化二損納化皆難元氣斯弱百邪易侵飽悶痞積關格腹痛泄瀉等作矣故潔

古製枳朮丸東垣發脾胃論使人常調理脾胃為  
 主後人稱為醫中王道厥有旨哉近世治脾胃不  
 分陰陽率皆理胃辛溫燥熱助火消陰之劑遂胃  
 火旺脾陰傷清純冲和氣變為燥熱胃腕乾枯大  
 腸燥結脾漸絕而死期迫矣

右一十九箇條固醫門之奧秘中之秘也

可慎禁戒

三死 倉公有言曰病不肯服藥一死也信巫不信  
 醫二死也輕身薄命三死也

保養之約術 保養之義其理萬計約而言之其術

有三

一養神

忘情去智恬澹  
虛無離事全真

二惜氣

抱元固  
精六賊

忘形識  
界既空

三防疾

節飲食合溫涼無犯  
八邪寤寐不以勉強

保形神 衍義中云神不可大用大用即竭形不可

大勞大勞則斃以一心對無窮之事不亦勞乎貴

豪家形樂志苦者也與貧下異

悔言無悔心 極猥之業雖有悔言而無悔心良得

其情然亦有傳染者

大寒與大熱且勿貪色欲思過枕上  
記之文也 玉機微義曰

六月屬未土大旺土為水夫土旺則水衰况腎水  
常籍肺為母以補助不足古人以夏月獨宿而淡  
味金水二藏嫌火土之旺十月屬亥十一月屬子  
正火氣潛伏閉藏以養其本然之真而為春升動  
發生本若此時不恣欲以自戕至春根本壯氣不  
輕浮焉有溫熱之病

行少除多 少思 少念 少欲 少事 少語

少笑 少愁 少樂 少喜 少怒 少好 少  
惡 行此十二少者養性之都契也 多思神殆

四思 多念志散 多欲志昏 多事形勞 多語氣

乏 多笑藏傷 多愁心懾 多樂意溢 多喜

忘錯昏亂 多怒百脉不定 多好專逆不理

多惡憔悴無歡 此十二多不除則榮衛失度血

氣妄行也

五勞 久視傷血 勞心 久臥傷氣 勞肺 久坐傷

肉 勞脾 久立傷骨 勞腎 久行傷筋 勞肝

戒無恒 論語曰人而無恒不可以作巫醫明此二

法不可以權節妄造

○治未病 慎言語節飲食常起居防風寒是謂治未病也 見肝病豫知傳脾調脾不受病是治未病之亦一通也

戒斷產之事 良方曰欲斷產者不易之事雖曰天地大德曰生然亦有臨產艱難或生育不已或不正之屬為尼為娼不欲受孕而欲斷之者故錄驗方以備所用 右雖如此庸學拙醫之徒不可行之

○四忌 一日之忌暮勿飽食 一月之忌晦勿大醉

一歲之忌暮年勿遠行 一生之忌勿燃燭行 房莫多言多唾強食強酒大飢大渴大飽大飲莫沐浴當風莫廣志遠願莫臥訖留燈

○三少 空心之茶 卯時之酒 申後之飯 右各宜少之 凡十二箇條常慎之漸可入道也

鍼灸之樞機 人身總有三百六十五骨節其止婦人有三百六十五骨節耳

岐伯分九針九針者天地之大數也始於一而終於

九 一以法天曰鑱針 二以法地曰員針 三

以法人曰鍤針 四以法時曰鋒針 五以法音

日鍤針 六以法律曰員利針 七以法星曰毫

針 八以法風曰長針 九以法野曰大針 針

有虛實補瀉四時淺深男女內法詳見扁鵲八

十一難經也

禁針穴 腦戶 顛會 神庭 絡却 大玉枕 角

孫 兼泣 兼靈 神道 靈臺 臚中 水分

全良神闕 會陰 百橫骨 氣衝 手五里 箕門

兼筋 青靈 顛顛 手三陽絡 孕婦合谷

三陰交 婦人石門 忌鍼灸 終身無姪 合谷 半平

血忌日 不宜針灸 正丑 二未 三寅 四甲

五卯 六酉 七辰 八戌 九巳 十亥 十一

一午 十二子 至期 八十七 中 央 文 中 氣

脊椎二十一之長短 自大椎下至尾骶骨二十一

椎長三尺分之有術上七椎者每椎二寸四分下

十四椎者每椎一寸四分分之半也各用同身寸



法也

髮際定 後者第一椎之上同身寸之三寸前脊間之中央上同身寸之三寸以之定髮際

胸腹部 自蔽骨下至臍八寸也其中央謂之中腕蔽骨者岐骨之岐下一寸謂之蔽骨依人或

無□□□自臍下至橫骨五寸者也

腎俞定 腎俞者十四椎下兩傍相去各一寸半平立而准之必與臍相當

全身之寸法 自百會穴至兩跟之間七尺五寸門

同身寸之法 男左手女右手中指之第二節之內

自橫文至橫文為一寸屈之而明耳 又兩乳之

間量之為八寸

禁針穴 兪光 瘕門 風府 天柱 素窳 肉臨

泣 睛明 攢竹 迎香 禾窳 顴窳 絲竹

空 頭維 下關 脊中 肩貞 心俞 白環

俞 天牖 人迎 乳中 周榮 淵液 鳩尾

腹哀 少商 魚際 經渠 天府 中衝

陽關 陽池 地五會 隱白 漏谷 陰陵泉

條口 犢鼻 陰市 伏兔 髀關 委中泉

殷門 申脉 莖扶 右四十五處莫灸之詳其

孔穴者在于針灸明堂之圖中矣

灸忌日 男忌除日 女忌破日

八般火 松木火增病 柏木火傷神多汗 竹火

傷筋目暗 榆木火傷骨失志 桑火傷肉肉枯

棗火內傷吐血 柞火傷氣脉 楠火傷榮衛

經絡 文王脈文 一古風之謂也耳 又兩條之

右十三箇事醫家鍼灸之樞要也 之氣二論之內

類證辨異全九集卷之三終書

○附文淵堂 一限效此 亦未廣 海王士

切紙第二十八筆 因手誤一 最既 藥和效

○宗爽胃氣 三按一舉 月湖所秘也 之實是

口胃氣口訣 日東 不難 歌 苦 九 直 三

平且候脉之時察氣口虛實而後食後診之氣口之

脉少勝於食前則知其人有胃氣若與食前脉同則

知胃氣不朝於寸口 論 冬六 脈 而 舉 之 限 藥

卷六宗爽胃絕之說 夏六 脈 而 診 之 限 藥

春六脉弦而按之則絕 夏六脉洪而按之則絕  
秋六脉浮而按之則絕 冬六脉沉而舉之則絕

右胃中之穀氣絕敗而不營於五藏六府者也

于時天文第七戊戌年重陽日記之所以使師翁  
口傳不敢失墜耳日東洛下雖知苦戶道三

姪大伴榮清藏月湖之書予得而讀之實是師  
門流派之活頭也因手寫一通列追加藥味於

○本文附贈法印語一則於此卷末寬政壬子之  
秋田澤保久書於清雲書院

類證辨異全九集卷之四上

錢塘月湖編繹 人出羽 田澤仲舒 校

風部

八味順氣散 凡有風之人先服此藥順氣次進風

藥 人參 白朮 茯苓 青皮 陳皮去白 白芷

烏藥各一兩 甘草半兩 右煎服不拘時

排風湯 治中風邪氣入於五藏妄語神亂四肢不

仁痰涎壅盛 白鮮皮 當歸去芦 肉桂 芍藥

杏仁 麻黃 甘草 防風 川芎 獨活各一錢

風部

茯苓 白朮各二錢 右咬咀入生薑煎服不拘時

省風湯 治卒急中風口噤全不能言口眼喎斜筋

脉急痛風盛痰實頭目旋眩胸膈煩滿左癱右瘓

手足麻痺骨節煩疼恍惚不定神志昏憤 防風

去天南星各三錢 半夏湯洗 黃芩 甘草各二錢 右咬咀

生薑三片煎不拘時服

小續命湯 治中風半身不遂口眼喎斜手足戰掉

語言蹇澁 麻黃 人參 黃芩 芍藥 甘草

炙川芎 杏仁 防已各一錢 肉桂七分 防風半錢 附

子二錢 右咬咀生薑三片煎食遠服 中風無汗

惡寒倍麻黃杏仁防風 中風有汗惡風倍桂

中風身熱無汗不惡寒加石膏知母 中風身熱

有汗不惡風加葛根 中風無汗身涼倍附子加

乾薑 中風有汗無熱倍附子加桂枝

防風通聖散 治一切風熱等證 防風 川芎

當歸 芍藥 大黃 薄荷 麻黃 連翹 芒

硝各五分 石膏 黃芩 桔梗各一錢 滑石三錢 荆芥

梔子 白朮各二分 右咬咀生薑三片煎服不拘

時如痰嗽加半夏一錢

人參順氣散 治感風頭疼鼻塞聲重及一應中風

先服之通氣而後進風藥 干薑 人參各一兩 川

芎 甘草 桔梗 厚朴 白朮 陳皮 白芷

麻黃各四錢 干葛三兩半 右咬咀每服三錢水一

盞薑三片棗一箇薄荷七葉同煎不拘時熱服如

感風頭疼咳嗽鼻塞加葱白煎

八寶回春湯 治一切諸虛不足風痰血氣交攻脉

絡凝攣痰壅脾不和飲食不進此藥去風和氣活

血凡治風不可專用風藥攻之愈急則愈甚服之

輕一月重二三月愈 附子 人參 麻黃 黃

芩 防已 香附子 杏仁 川芎 當歸 茯

神 陳皮 防風各一兩 白芍五兩 沉香 川烏各半兩

半夏兩半 肉桂兩一 白朮兩二 烏藥 干薑各一兩 黃耆三兩

甘草二分 熟地黃 生乾地黃各一兩 右二十四味

八味去風八味和氣八味治血薑棗煎空心服

傷寒部

桂枝湯 治傷寒中風頭痛發熱汗出惡風者 桂

傷寒

枝芍藥各二錢半甘草灸二錢右咬咀薑棗煎服不拘時

麻黃湯 治傷寒頭痛發熱身疼惡風無汗而喘者

麻黃三錢桂枝二錢杏仁去皮尖甘草灸各一兩右剉生

薑煎服不拘時

各半湯 麻黃 桂枝 芍藥各二錢半甘草灸二錢杏仁

十箇右薑棗煎服

升麻葛根湯 治大人小兒時疫頭痛發熱瘡疹已

發未發 升麻 芍藥 甘草各二錢半干葛三錢右

剉薑煎不拘時服

小柴胡湯 治傷寒寒熱如瘧胸膈滿痛大小便秘

柴胡三錢人參 黃芩各二錢半半夏一錢甘草一錢

右剉薑棗煎服

大柴胡湯 治傷寒十餘日不解邪熱結在裏煩燥

譫語大便秘澀臍刺痛 柴胡二錢半大黃三錢枳實

一錢赤芍 黃芩 半夏各二錢右剉薑棗煎食遠

服

小柴氣湯 治傷寒潮熱譫語大便六七日不通有

燥糞結滯 大黃<sup>五錢</sup> 厚朴<sup>三錢</sup> 枳實<sup>二錢</sup> 右咬咀煎食前服

大承氣湯 治陽明裏熱大便數日不通日晡潮熱 譫言煩渴 大黃 厚朴<sup>各三錢</sup> 枳實 芒硝<sup>各二錢</sup>

右咬咀生薑煎食前服

調胃承氣湯 治傷寒不惡寒但熱十餘日過經譫言當和胃氣 大黃<sup>五錢</sup> 甘草<sup>三錢</sup> 芒硝<sup>一錢</sup> 右剉煎食前服

白虎湯 治汗下吐後七八日不解熱結在裏渴舌乾欲飲水者 知母<sup>三錢</sup> 石膏<sup>五錢</sup> 甘草<sup>一錢</sup> 粳米<sup>半合</sup> 右剉煎食遠服

白虎加人參湯 治傷寒發斑口燥煩熱 知母<sup>三錢</sup> 石膏<sup>五錢</sup> 人參<sup>三錢</sup> 甘草<sup>一錢</sup> 粳米<sup>一百粒</sup> 右剉煎服

五苓散 治汗後胃乾煩燥不眠欲飲水脉浮小便不利 澤瀉<sup>三錢</sup> 猪苓 茯苓 白朮<sup>各二錢</sup> 官桂<sup>一錢</sup> 右剉煎服

陽毒升麻湯 治陽毒赤斑狂言咽痛 升麻 犀角 射干<sup>各二錢</sup> 黃芩<sup>二錢</sup> 人參 甘草<sup>各一錢</sup> 右剉

射干 錢半 黃芩 錢二 人參 錢一 甘草 錢一 右剉

錢半 黃芩 錢二 人參 錢一 甘草 錢一 右剉

煎服

枳實梔子湯 治大病瘥後勞復者 枳實三錢 梔子一錢

半一錢 豆豉三錢 右剉煎服如有宿食加大黃三錢

竹葉石膏湯 治傷寒解後虛羸少氣氣逆欲嘔而

渴 竹葉三十片 石膏 麥門冬各三錢 半夏一錢 人參

甘草各一錢半 右剉煎加粳米

抵當丸 治傷寒熱小腹滿痛小便澀今反利為有

血 大黃三錢 水蛭七枚 虻虫七枚 去灰 去子 碎剉 去足 炒

桃仁八箇 右末水和丸煎服

小陷胸湯 治心下痞滿軟之按則痛脉浮者 半

夏五錢 黃連二錢 瓜蒌實三錢 右剉先煮瓜蒌三沸入

諸藥煎服

人參敗毒散 治傷寒頭痛壯熱惡寒風痰咳鼻塞

聲重身痛 柴胡二錢 川芎一錢 前胡 甘草炙人

參 桔梗 羌活 獨活 茯苓 枳殼各一錢 薄

苛少 右剉入薑葱煎服

參蘓飲 治感冒風邪發熱頭痛咳嗽声重涕唾稠

粘此藥大解肌熱快膈 人參 紫蘓 茯苓



半夏 前胡 干葛各一錢半 枳殼 甘草炙 陳皮各一  
錢 桔梗 木香各七分 右

十神湯 治時令不正瘟疫妄行或欲出疹陰陽兩

感並治之 川芎 麻黃 干葛 紫蘓 赤芍

升麻 白芷 甘草 陳皮 香附各一錢半 右

剉煎服發熱頭疼加葱白

藿香正氣散 治傷寒頭疼增寒壯熱感濕霍亂泄

瀉 藿香二錢 紫蘓一錢半 厚朴 茯苓 陳皮 白

芷 半夏 桔梗 大腹皮 白朮各一錢 甘草一錢

胃分 右剉薑葱煎服 小兒不吐者加蘇合香丸

黃連解毒湯 治大熱乾嘔錯語呻吟不眠 黃連

一分 黃芩 黃礬各半兩 梔子四箇 右咬咀煎服

犀角地黄湯 治血証大便黑衄後脉微發狂發黃

當汗不汗內有瘀血 犀角如無升麻代之 生地黃 牡

丹皮 芍藥各二錢半 右剉煎食後服

前胡湯 治妊婦傷寒頭痛壯熱肢節煩疼 石膏

前胡各半兩 竹筴 黃芩 知母 梔子 大青各三

錢 右剉薑葱煎服

小青龍湯 治傷寒表不解心下有水氣乾嘔發熱

咳喘 半夏二兩 干薑 細辛 麻黃 肉桂

芍藥 甘草各三兩 五味子二兩 右咬咀煎食後溫

服

瓜蒂散 治傷寒四五日病在胸痰滿於上不得息

者當以此吐之 瓜蒂一兩 赤小豆一兩 右剉煎

入豉一合再煎忌亡血體虛人

泄痢部

胃風湯 治風冷乘虛水穀不化泄瀉腹滿腸鳴痛

腸胃濕毒下如豆汁 白朮 芍藥 川芎 人

參 當歸 肉桂 茯苓各等分 右咬咀入粟米

百餘粒煎服

香連圓 治冷熱不調下痢赤白膿血後重 黃連

二十兩與吳茱萸同炒令赤去茱萸不用 木香四兩 右末醋丸空心

飯飲下

黃連阿膠圓 治冷熱不調下痢後重腹痛口渴小

便澁 阿膠炒二兩 黃連三兩 茯苓二兩 右末丸之米

飲空心下

黃蘗丸 治赤痢下黃水或黃赤膿四肢皮膚冷者

黃蘗 黃連各二兩 熟艾兩半 黃芩一分 右末丸

米飲日晚再服

理中湯 治腸胃虛弱漉之有聲泄瀉頻併 人參

白朮 干薑 甘草各二錢半 茯苓 厚朴各一錢

右剉薑棗煎服

四神丸 治脾泄腎泄 肉豆蔻生用二兩 破故紙炒四兩

木香 茴香各一兩 右末薑汁煮棗肉丸空心鹽

湯下熟毒不吐豆豉 白朮 芍藥 川芎 人

瘡部

清脾湯 治瘡脉弦數口苦咽乾小便赤澀 厚朴

白朮 青皮 半夏 黃芩 草菓 柴胡

茯苓 甘草各等分 右咬咀煎服

勝金圓 治一切寒熱瘡疾膈痰發散不愈者 檀

榔四兩 常山一斤 右末麪糊丸每服三十圓於發前

一日臨臥用酒下便眠至四更用酒下十五圓至

午方喫温粥忌熱物生冷

清脾湯 治因食傷脾停滯痰飲發為寒熱 厚朴

瘡部

烏梅 半夏 青皮 良薑 各二兩 草果 一兩 甘草

兩半 右剉薑棗煎服

常山飲 治瘧發散不愈漸成勞瘵 知母 常山

草菓 各二斤 良薑 二十兩 甘草 二斤 烏梅 一斤 右咬咀

薑棗煎服

小柴胡湯 治瘧單熱頭痛胸膈咽乾 方在傷寒部

知母散 治一切瘧疾不問寒熱多少年久日近皆

治之 知母 貝母 常山 檳榔 各等分 右剉

煎水酒和葢定露一宿五更望東冷服直到巳時

食乾物喫水便吐煎時不得婦人見

咳嗽部

溫肺湯 治肺虛感冷咳嘔痰沫 干薑 桂 半

夏 五味子 杏仁 陳皮 甘草 各一錢半 細辛

阿膠 各半錢 右剉薑棗煎服

三拗湯 治寒燠不常暴嗽喘急鼻塞痰壅 麻黃

杏仁 甘草 各等分 右剉入薑煎服

橘蘓散 治傷風咳嗽身熱有汗惡風脉浮 橘紅

紫蘓 杏仁 五味子 半夏 桑白 貝母

咳嗽

白朮各一分 甘草七分 右剉薑煎

人參平肺散 治心火尅肺傳為肺痿嗽涎嘔痰胸

滿咽喉不利 人參 青皮 茯苓 天門冬

陳皮 地骨皮 甘草各一分 五味子三十箇 知母一錢

半桑白二錢 右剉薑煎食遠服如熱加黃芩紫蘇

半夏

加減瀉白散 治陰氣在下陽氣在上咳嘔痰涎

桑白各三分 地骨皮各三分 陳皮 人參 甘草各一分 茯苓

苓 青皮各一分 五味子半錢 右剉加粳米煎

前胡散 治咳唾稠粘心胸不利時煩熱 前胡

桑白各一分 貝母各一分 麥門冬一分 杏仁半兩 甘草一分

小兒右剉人生薑煎服

瀉白散 治肺氣實咳喘煩悶大便不利 桔梗

地骨皮 甘草 瓜蒌子 升麻 半夏 杏仁

桑白各一分 右剉加薑煎服

內傷部

丁香脾積圓 治食積心腹膨脹不得尅化 丁香

木香 巴豆 良薑各半兩 莢朮三兩 三稜二兩 青皮

內傷

一皂角三挺燒存性 右末入百草霜三匙麪糊丸脾

積陳皮湯吐酸薑湯下

三黃枳朮丸 治傷肉食濕麪辛辣味厚之物填塞

悶亂不快 黃芩二兩 黃連 大黃 神麪 白朮

橘皮各一兩 枳實半兩 右為細末蒸餅為丸食遠服

虛損部

小兒絲子圓 治腎氣虛損目眩耳鳴四肢倦怠夜

多遺精 蓮肉二兩 兔絲五兩 茯苓一兩 山藥二兩 右末

用山藥糊丸鹽湯下脚膝無力木瓜湯下

十全大補湯 治男婦諸虛五勞七傷此藥平補常

服生血氣壯脾腎 人參 肉桂 地黃 川芎

白芍 茯苓 白朮 黃耆 甘草 當歸各等分

右剉薑棗煎服

玉鎖丹 治精氣虛滑遺泄不禁常服澁精固陽

龍骨 蓮花蕊 雞頭實 烏梅肉各等分 右末

用熟山藥去皮研和丸空心米飲下

黃耆建中湯 治男婦諸虛乏力補榮衛 黃耆三錢

白芍四錢 肉桂一錢 甘草炙二錢 右剉棗薑煎食遠服

虛損

降氣湯 益氣清神 扶神二兩 甘草一兩 香附子半斤

黃炒 右末熱湯點服

三才丸 滋陰養血 天門冬 地黃各三兩 人參一兩

右末麩糊丸

大補丸 治腎火燥下焦濕筋骨軟 黃礬炒褐色

右水丸服如氣虛以補氣藥下若血虛以補血藥

下並不單用治小兒熱瀉米飲下

三補丸 治上焦積熱泄五藏火 黃芩 黃礬

十黃連等分 右末丸之

三才封髓丹 降心火益腎水 天門冬 熟地黃

人參各半兩 黃礬三兩 砂仁一兩 甘草七錢半 右

麥末糊丸

積聚諸塊部

勝紅圓 治脾積胸悶腹痛氣促不安嘔水男酒積

婦血積兒食積 青皮 陳皮 三稜 莪朮

干薑 良薑各一兩 香附二兩 右末醋糊丸食前薑

湯下

萬病無憂散 治諸般氣積腫脹 檳榔半兩 大黃一兩

積聚諸塊

甘草三錢 黑牽牛半兩 右末茶清調服

大七氣湯 治積聚狀如癥瘕隨氣上下發有時心

腹痛上氣窒塞小腹脹大小便澀 益智 陳皮

三稜 莪朮 香附子 桔梗 肉桂 藿香

各一兩半 甘草分三 青皮一兩 右剉煎食前溫服

消渴部

麥門冬飲子 治膈消胸滿煩心津液乾少短氣而

渴人知母 甘草 瓜蒌 五味子 人參 葛

三根性生地黃 茯苓 麥門冬入右等分剉入竹

葉煎服

茯苓丸 治三消渴通用亦治白濁 兔絲子十五兩

味七兩白茯苓五兩 蓮肉三兩 右末用山藥六兩末作

糊和丸米湯下一名玄兔丹

川黃連丸 治渴 黃連五兩 天花粉 麥門冬各二錢半

右末生地黃汁和糊丸

玉泉丸 治煩渴口乾 麥門冬 人參 茯苓

黃耆 烏梅 甘草各一兩 瓜蒌根 干葛各一兩半

右末蜜丸溫湯嚼下



人參石膏湯 治膈消上焦燥渴不欲多食 人參

錢三 石膏錢四 知母錢二 甘草 黃芩 杏仁各一 右

劉粳米煎服

六神湯 治三消渴疾 枇杷葉 瓜蘆根 黃耆

干葛 蓮房 甘草各二 右劉煎服小便澀加

茯苓

黃耆湯 治諸渴疾 黃耆 茯苓 瓜蘆根 麥

門冬 生地黃 五味子 甘草各一 右劉煎

食遠服

天花散 治消渴 天花粉 生地黃 麥門冬 黃

干葛 錢各二 五味子 甘草各一 右劉入粳米百

粒煎食遠服

水腫部

神助散 治十種水氣面目四肢浮腫咳喘不得臥

大小便秘 澤瀉兩 椒目半兩 黑牽牛兩 猪苓兩

葶藶兩 右劉入葱白三莖漿一盞煎入酒半盞

絕早向東立服如人行十里久又以漿水葱白煮

稀粥葱爛入酒五合啜一升許自早至午當利小

水腫

便三四升大便微利喘定腫減隔日再服忌鹽麪房事

木香流氣飲 治面目虛浮四肢腫滿喘急水道赤

澁 陳皮錢二半夏 厚朴 青皮 紫蘓 香附

肉桂 莪朮 丁皮 大腹皮 檳榔 藿香

木香 草菓 甘草錢各一 木通 麥門冬 白芷

赤茯苓 白朮 木瓜 人參 苜蓿錢各半 右

劉薑棗煎服 治一切濕熱腫滿 黑牽黃芩 大黃

牽牛丸 治一切濕熱腫滿 黑牽黃芩 大黃

大椒 滑石各等分 右末麪糊丸薑湯食後下

消腫圓 治水腫喘滿小便不利 滑石 木通

白朮 黑牽 通草 茯苓 茯神 半夏 陳

皮各一分 木香半 瞿麥 丁香各半 右末酒糊丸

燈心麥門冬湯下

脚氣部

檳蘓散 治風濕脚痛疎通氣道 紫蘓 香附各

兩 陳皮 甘草 檳榔 木瓜各一 右劉薑熬

大煎服

脚氣

大黃左經湯 治四氣流注足陽明經腰脚赤腫痛

不可行二便澀惡聞食氣喘滿自汗 細辛 茯苓

苓 羌活 大黃 甘草 前胡 枳殼 厚朴

黃芩 杏仁各等分 右剉薑棗煎服腹痛加芍藥

喘急加桑白紫蘇溺秘加澤瀉肢瘡痒浸加升麻

木瓜散 治脚氣 大腹皮香紫蘇 木瓜 甘草

木香 羌活各一分 右剉煎服直指方加茯苓

陳皮薑棗煎服 當歸尾 芍藥 陳皮 蒼

健步丸 生地黃一兩半 當歸尾 芍藥 陳皮 蒼

木各一兩 吳茱萸 黃芩 牛膝各五錢 桂枝二錢 大腹子

三錢 右末糊丸白湯下不思飲食 茯苓 白朮

翻胃部並 嘔吐

丁香煮散 治翻胃嘔吐 丁香 蓮肉各十枚 生薑

七枚 棗七枚 右剉煎去滓入黃黍米半合煮稀粥食

之

養胃湯 治脾胃虛冷不食飲翻胃嘔吐 人參

丁香 縮砂 白豆蔻 附子 沉香 橘皮

肉豆蔻 麥蘖 麥麩 粉草炙 右等分剉末

胃反嘔吐

薑鹽湯下

丁香半夏丸 治胃寒嘔吐吞酸 丁子兩一 白朮兩一

半 半夏 干薑 橘紅各二兩 右末薑汁糊丸食

遠薑湯下

竹筴湯 治胃受邪熱心煩喜冷嘔吐不食 葛根

三兩 半夏一兩 甘草炙一兩 右剉入竹筴一塊薑五片

煎服

四君子湯 治脾胃不和不思飲食 茯苓 白朮

人參 黃耆各一兩 右剉入生薑煎服

生薑橘皮湯 治乾嘔噦手足厥冷 橘皮兩四 生薑

半斤 右剉煎溫服

小柴胡湯 加竹筴治熱嘔方見傷寒部

脹滿部

紫蘘子湯 治憂思傷胃腹脹喘悶腸鳴有聲二便

秘脉虛澁 蘘子兩一 大腹皮 草菓 半夏

厚朴 木香 陳皮 木通 白朮 枳實 人

參 甘草各半兩 右剉薑棗煎服

消脹丸 治諸脹 木香 大黃 茯苓 厚朴

脹滿

澤瀉各一兩 黑牽 滑石各六兩 右末丸食前薑湯下

厚朴湯 治腹滿發熱陽盛陰虛陽盛則外熱陰虛

則內熱脉必浮數浮則為虛數則為熱 厚朴三錢

大黃二錢 桂心五分 枳實半錢 甘草灸一錢 右剉薑棗

煎嘔者加半夏利者去大黃

木通飲 治脇肋刺痛膨脹小便赤大便秘不利或浮

小腫 木通 陳皮 紫蘆莖 甘草灸 右等分

剉薑棗燈心煎服

主治心痛部 治心氣痛 治心氣痛 治心氣痛 治心氣痛

加味七氣湯 治七情為病心腹刺痛不忍或感外

邪作痛 半夏五錢 桂心 玄胡索各二錢 人參 乳

香 甘草各二錢 右剉薑棗煎服

七氣湯 治七情之氣鬱結心腹疴痛不可忍 半

夏 人參 肉桂 甘草各等分 右剉入生薑煎服

妙香散 治心氣不足精神恍惚虛煩少睡盜汗益

氣血安神 山藥 茯苓 茯神 遠志 黃耆

各一人參 桔梗 甘草灸各半兩 木香二錢 辰砂三錢

麝香一錢 右細末酒調服 按醫方紀原云往昔道

心痛

本邦醫名藉甚一溪先生受業此門練師以如香散去麝改号安神散授之一溪叟到今不惟醫家

家女子戶々為安神正氣炒  
茶者實因練師恩惠耳  
玄胡索散 治卒心痛久不愈 玄胡索一兩 甘草三錢

右剉煎服

拈痛丸 治九種心痛 五靈脂 莪朮 木香

當歸各半兩 右細末蜜丸食前橘皮湯下

生薑枳殼湯 治中脘氣滯心下引痛 生薑七錢 枳

殼二錢 桂五錢 右剉煎服

香附子散 治心脾痛不可忍 良薑 香附各等分

右末鹽湯調下

香茱丸 治氣實心痛 山梔炒 香附各六錢 吳茱四錢

右末餅丸之

頭痛部 並 脣骨痛

川芎散 治偏頭痛 甘菊花 石膏 川芎 右

等分末茶清調下

小芎辛湯 治風寒在腦頭痛眩暈嘔吐不止 川

芎三錢 細辛 白朮 甘草各三錢 茶牙一撮 右剉入

生薑煎食後服

頭痛眉骨痛

加戒川芎散 治風盛膈壅鼻塞涕出熱氣上攻眼

淚生眵偏正頭痛 川芎 柴胡各二錢 細辛 半

夏 人參 前胡 防風 甘菊 甘草各一錢 薄

荷少 右剉入生薑煎服

清空膏 治偏正頭疼久不愈善療熱損目腦痛不

止 羌活 防風 黃連各一兩 甘草半 柴胡七錢

川芎五錢 黃芩三兩 右末用茶清少許調如膏

抹口內白湯下痰厥頭疼加半夏

點頭散 治偏正頭疼 川芎二兩 附四兩 右末食

後茶清下

石膏散 治偏正頭疼連睛痛 石膏 鼠粘子炒

等分 右末茶清食後下

白芷散 治瘡腫痛屬熱與痰 黃芩酒浸 白芷各等分

右末茶清調下

羌活湯 治瘡骨痛不可忍 羌活 防風各二錢 甘

草二錢 黃芩酒浸 右剉煎服

黃疽部

加減五苓散 治飲酒伏暑發為疽煩渴小便澀

黃疽

茵陳 赤茯苓 猪苓 白朮 澤瀉 右剉煎服

茵陳湯 治時行瘧熱在裏鬱蒸不散通身發黃

茵陳 二兩 大黃 兩一 山梔 錢三 右剉煎服不拘時

黃連散 治二便秘壅熱發黃 黃連 大黃 各二兩

黃芩 甘草 各一兩 右末湯下

黃耆散 治黃汗 黃耆 赤芍 茵陳 各二兩 石膏

四兩 麥門冬 豆豉 各一兩 甘草 兩半 右剉入生薑煎服

加味茵陳散 治黃疸 瓜蘗 一石 石膏 兩一 甘草 兩半 茵

陳 木通 山梔 各一兩 大黃 兩半 右剉咀薑葱煎服

葛根湯 治酒疸 枳實 山梔 豆豉 各一兩 葛根

二兩 甘草 兩半 右煎服

滑石散 治女勞疸 滑石 二兩 白礬 一兩 右末

用大麥粥飲下從小便去黃

霍亂部

理中湯 治中寒霍亂嘔吐泄方見痢

霍亂



黃連香薷散 治中暑霍亂吐利 黃連四兩 白扁豆

炒半斤 厚朴四兩 香薷一斤 右剉煎服

竹葉石膏湯 治中暑不惡寒煩渴不已 方見傷寒部

五苓散 治中暑煩渴身熱頭痛霍亂吐瀉小便赤

少方見傷寒部

麥門冬湯 治霍亂已愈煩熱多渴小便澀 麥門

冬 橘皮 半夏 白茯苓 白朮各一兩 人參

甘草各半兩 小麥半合 右剉入生薑烏梅煎服

木瓜湯 治霍亂吐瀉轉筋攪悶 木瓜三錢 吳茱萸

茴香各二錢 甘草灸一錢 右剉入生薑蘼葉煎服

良薑飲 治霍亂神効 良薑 藿香 陳皮各一兩

甘草三分 右剉煎服

胡椒湯 治霍亂煩悶欲死 胡椒三十粒 陳皮 良

薑 桂心各半兩 麥門冬 木瓜各一兩 右剉煎服

厚朴湯 治乾霍亂 厚朴 枳殼 良薑 檳榔

朴硝各三分 大黃二兩 右剉煎服

腹痛部

檳榔丸 治酒積腹痛者寬氣 檳榔 三稜 蓬

腹痛

木 香附 官桂 蒼朮 厚朴 陳皮 甘草

茯苓 木香 右各等分末神麩糊丸白湯下

玉龍丸 治傷暑腹痛 按方缺格致餘論前人治暑病有玉龍丸

淋部

清心蓮子飲 治上盛下虚心火炎上口苦咽乾尿

赤成淋 黃芩兩半 黃耆 蓮肉 白茯苓 人參

各七錢半 麥門冬 甘草炙 地骨 車前兩各半 右剉

煎服發熱加柴胡薄荷

八正散 治心熱藏府秘尿赤澀癢閉熱淋血淋並

宜 車前 瞿麥 扁蓄 滑石 甘草 山梔

木通 大黃各等分 右剉入燈心煎

通秘散 治血淋痛不可忍 陳皮 香附 赤茯苓

苓等分 右剉煎服

五淋散 治諸淋 赤茯苓 赤芍 山梔子 生

甘草 當歸 加黃芩 右剉煎服

木通湯 治老人氣虛而淋者 人參 白朮 木

通 山梔 右剉煎

導赤散 治心虛蘊熱小便赤淋痛 生地黃兩四木

淋

通三錢甘草二錢 右剉入竹葉煎服

立効散 治淋閉作痛時尿血下焦熱 瞿麥 山

梔 甘草 右剉煎

車前散 治諸淋小便甚痛 車前子 竹葉 茯

苓 荆芥各二錢半燈心三十莖 右剉煎

葵子散 治小便不通 葵子 茯苓各半兩 右咬

咀煎服

火府丹 治心熱小便赤及淋病 木通 黃芩各一兩

兩生乾地黃二兩 右末丸木通煎湯下

疝疝部

茴香散 治疝氣痛 杏仁各一兩 茴香各一兩 葱白焙乾半兩

右末酒調嚼胡桃吞下

加味通心散 治腎膀胱實熱小腸氣痛小府不通

瞿麥 木通 梔子 黃芩 連翹 甘草

枳殼 川棟子等分 右剉入燈心煎服

立効散 治疝 川芎 青皮 川棟子 茴香

桃仁 黑牽等分 右剉煎

喘急部

疝喘急

神秘湯 治上氣喘急不得臥 陳皮 桔梗 紫

蘓 五味 人參 各等分 右剉煎

五味子湯 治喘促脉伏而數 五味 二錢 人參 麥

門冬 杏仁 橘皮 各二錢半 右咬咀薑棗煎服

定肺湯 治上氣喘嗽 紫苑 橘紅 杏仁 五

味子 枳殼 半夏 桑白皮 紫蘓子 甘草

各一錢半 右剉入生薑蘓葉煎

加減瀉白散 青皮 二兩 桑白皮 一兩 知母 地骨皮

陳皮 桔梗 各半兩 細黃芩 甘草 各三錢 右剉煎

食後服

痰飲部

潤下丸 治濕痰 黃芩 中 香附 上 半夏 下 貝母 中

右末丸加瓜蘘仁青黛治熱痰 按金匱鈞玄無方名上中下字今以

朱衡本丹溪心法補

中和丸 治濕痰氣熱 蒼朮 黃芩 半夏 香

附 各等分 右末丸薑湯下

瓜蘘丸 治食積痰壅滯喘 瓜蘘仁 黃連 各半兩

半夏 一兩 右末丸服

痰飲

化痰圓 治停痰宿飲 半夏 人參 茯苓 各一兩

前胡 半兩 白朮 一兩 枳實 甘草 各半兩 香附 一兩 右末

用半夏薑汁煮糊丸薑湯下

枳殼半夏湯 除熱痰下氣寬中利膈清上治痞滿

枳殼 半夏 黃芩 桔梗 各一兩 甘草 右劉加

桑白皮五寸烏梅一枚煎

二陳湯 治痰飲為患或嘔惡眩悸或中脘不快因

食生冷飲酒過度 半夏 橘皮 各五兩 白茯苓 三兩

甘草 灸一兩半 右劉人生薑烏梅煎服

橘皮半夏湯 治痰壅涎嗽久常服養液潤燥解肌

熱止嗽 橘皮 半兩 半夏 湯洗七次 右末入生

薑煎服

省風湯 治痰厥 半夏 半兩 防風 四兩 甘草 二兩 右

劉人生薑煎服

秘結部

牛黃散 上焦熱藏府秘結 大黃 一兩 白牽牛 頭末半兩

右末溫湯調下

麻仁圓 治腸胃熱燥大便秘結 厚朴 半兩 芍藥

枳實各半杏仁五兩大黃煑焙一斤麻仁五兩右末

丸溫水下

橘杏丸 治老人氣秘大府不通 橘紅 杏仁分

右末米飲下

諸熱部

涼膈散 治大人小兒藏府積熱煩渴唇焦咽乾目

赤鼻衄痰實不利睡臥譫妄腸胃燥澁便溺秘結

大黃 朴硝各一兩甘草一分山梔 黃芩 薄荷

各二連翹二兩右剉入竹葉煎服

三黃丸 治諸熱 大黃 黃芩 黃蘗分 右末

丸服

大金花丸 治諸熱 黃連 黃蘗 黃芩 大黃

分 右末丸新水下減大黃加梔子名梔子金花

丸

荆黃湯 治風熱結滯或生瘡癩 荆芥四兩大黃一兩

右剉煎服

痺部

升麻湯 治熱痺肌熱體上如鼠走唇及皮色變

諸熱 痺

升麻三兩 茯神 人參 防風 犀角 羚羊角

羌活各二兩 官桂半兩 右剉煎服

茯苓湯 治停痰支飲手足麻痺多睡眩冒 半夏

茯苓 陳皮各一兩 桔梗 甘草各半兩 右剉煎服

枳實散 治心痺胸中氣堅痛氣短咳口痛不能飲

食 枳實 桂心 細辛 桔梗各三分 青皮一兩

大石剉煎服

痿證部

清燥湯 治濕熱成痿以燥金受濕熱之邪是絕寒

水生化之源絕則腎虧痿厥之病大作腰以下痿

軟癱換不能動 黃耆半錢 蒼朮 白朮 橘皮

澤瀉各一錢 五味子九箇 人參 白茯苓 升麻各二分 麥

門冬 當歸 生地黃 麴末 猪苓 黃蘗酒炙

柴胡 黃連 甘草各三分 右剉煎服

牛膝丸 治腎肝損骨痿不能起於床筋弱不能收

持益精緩中 牛膝 草薢 杜仲 蒺藜 防

風 兔絲子 菴蓉各等分 官桂減半 右細末酒糊

丸空心酒送下

痿症

下血部

槐花散 治腸風藏毒下血 槐花 柏葉 木荆芥

枳殼分等 右細末空心水飲下

槐角丸 治五積腸風下血痔瘻脫肛下血 槐角

一地榆 黃芩 當歸 防風 枳殼各半 右

末酒糊丸米飲下

阿膠湯 治傷寒熱毒入胃下利膿血 黃連二兩 梔

子半兩 阿膠各一兩 右剉煎服

聚金丸 治腸胃積熱或因酒毒下血腹痛熱渴脉

弦數 黃連四兩 黃芩 防風各二兩 右末麩糊丸

浸枳殼水下冬宜入大黃一兩

龍肝湯 治遠血兼治吐衄 伏龍肝半斤 甘草 白

朮 阿膠 黃芩 地黃各三兩 右咬咀煎服

治糞前有血面黃石榴皮為末茄子枝湯調下

治糞後下血不止艾葉為末生薑汁和服

腰痛部

五積散 治寒濕傷於腎經腰痛不可俛仰 白芷

二兩 陳皮 三兩 桔梗 一兩 川芎 三分 甘草 一分 茯苓 二兩 枳殼 三兩

下血腰痛



當歸 麻黃 半夏各一兩 肉桂三分 芍藥 干薑二兩

兩 蒼朮十二兩 厚朴二兩 右剉煎服

立安丸 治五種腰痛補腎健腰脚 破故紙 木

瓜 杜仲 牛膝 續斷各一兩 革薺二兩 右末丸

鹽湯送下

蒼朮湯 治濕熱腰腿疼痛 蒼朮五錢 去濕止痛 柴胡三錢

行防風一錢 去風勝濕 黃蘗一錢 半始得之時寒也久

痛 右剉煎服

大黃湯 治打撲腰痛惡血瘀痛不可忍 大黃

生薑並切如豆大各半兩 右同炒焦黃以水一盞浸一宿五

更煎去滓頓服天明所下如雞肝即惡物也

溺濁部

清心飲 治心中容熱煩燥赤濁 白茯苓 蓮肉

各一錢 益智 遠志 麥門 人參 石菖 車前

子 白朮 澤瀉 甘草各一錢 右剉入燈心煎

食前服

蓮肉散 治小便白濁夢泄 蓮肉 益智 龍骨

等分 右細末米飲下

溺濁

通靈散 治心氣不足小便滑赤白二濁 茯苓

益智 白木分等 右細末不拘時白湯調下

澤瀉散 治心經伏暑小便赤濁 人參 白朮

赤茯苓 香薷 澤瀉 猪苓 蓮肉 麥門冬

分等 右剉煎服

茯苓丸 治思慮太過心腎虛損真陽不固溺有餘

瀝小便白濁夢寐頻泄 菟絲兩五 白茯苓兩三 蓮肉

兩二 右末酒糊丸鹽湯下

半夏丸 治白濁神効 半夏濕燥 猪苓分 肝脉弦加

青黛右末丸

遺尿部

秘元丹 治內虛裏寒冷氣攻心脹滿泄瀉自汗出

小便不禁足冷 龍骨兩三 訶子七箇 縮砂兩一 辰砂分一

右末糯米糊丸 湯下忌葱茶葵菜

家韭子丸 治下元虛冷小便不禁或白濁補元氣

進飲食 家韭兩六 鹿茸兩四 菴蓉 牛膝 地黃

當歸兩各二 巴戟 兔絲兩各一 杜仲 石斛 桂心

干薑兩各一 右末酒糊丸鹽湯下

遺尿

益智丸 治遺尿及溺多或不禁 益智兩一 龍骨四錢

牡蠣兩半 川烏去皮半兩 炒色黃 右末酒糊丸空心草薺

湯下

吐酸部

麩朮丸 治中脘宿食留飲酸嘔心痛或口吐清水

神麩兩一 蒼朮二兩半 陳皮兩一 右末薑汁煮神麩

糊丸薑湯下

痔部

橘皮湯 治氣痔 橘皮 枳殼 川芎 槐花各半

兩檳榔 木香 杏仁 紫蘓 香附子 甘草

各二錢半 右剉薑棗煎服

乾葛湯 專治消痔 干葛 枳殼 半夏 茯苓

生地黃 杏仁 黃芩 甘草等分 右剉入黑

豆生薑烏梅煎服

加味四君子湯 治五痔下血面色痿黃心忪耳鳴

脚弱氣乏口淡食不知味 人參 白朮 茯苓

白扁豆蒸 黃耆 甘草等分 右末白湯點服一

方有五味子無甘草

吐酸 痔

地榆散 治痔瘡腫痛 地榆 黃耆 枳殼 檳

榔 川芎 黃芩 槐花 赤芍 羌活各一錢 白

歛 蜂房 甘草各半錢 右剉煎服

黃耆飲 治痔瘡 人參 黃耆 生地黃涼血 川芎

當歸和升麻 條芩涼火 枳殼寬 槐角涼血 黃連

按注 文脫 右剉煎服

清涼飲 治諸痔熱甚大便秘 當歸 赤芍 甘

草 大黃蒸○按分兩脫 右剉煎服

類證辨異全九集卷之四上終

類證辨異全九集卷之四下

汗部

黃耆六一湯 治虛勞自汗 黃耆六錢 甘草一錢 加

白朮 白芍各二錢 右剉薑棗煎服

當歸六黃湯 盜汗聖藥也 黃蘗 當歸 生地

黃 熟地黃 黃芩 黃連各一錢 黃耆二錢 右剉

煎服

建中湯 治表虛自汗 芍藥五錢 官桂 甘草各二錢

右剉薑棗煎服 加黃耆二錢名黃耆建中湯治

汗

虛勞自汗加當歸二錢名當歸建中湯治婦人血虛自汗

大建中湯 治虛熱盜汗百節痛口苦氣短 黃耆

遠志 當歸 澤瀉 白芍 龍骨 人參

兩甘草灸一兩 右剉煎服有桂

正氣湯 治盜汗 黃蘗炒 知母各一錢半 甘草五分 右

剉煎食前服

咳逆部

橘皮竹筍湯 治吐利後胃虛膈熱而咳逆 橘皮

赤竹筍三錢 人參各二錢 甘草一錢 右剉薑棗煎服

柿蒂湯 治胸膈痞滿咳逆 柿蒂五錢 丁香三錢 右

剉入生薑煎服

半夏湯 治噦欲死 半夏六錢 生薑五錢 右剉煎服

橘薑湯 治胃寒噦 橘皮 干薑 通草 桂心

人參 甘草等分 右剉煎服

枳殼湯 治諸吃噫 橘皮二兩 枳殼一兩 右剉煎服

鼻衄部

龍骨散 治多衄龍骨末少許吹入鼻中凡九竅出

咳逆 衄血

血皆用之

芍藥湯 治衄 黃芩 芍藥 甘草分 右剉

煎溫服

加聖散 治衄 山梔性燒存 右為末吹之

黃耆芍藥湯 治衄血多噦面黃眼澁手麻 黃耆

半三錢 芍藥半錢 升麻 羌活 葛根各二錢 甘草一錢

右剉煎食遠服

赤芍藥湯 治瘀血蓄胃心下脹食入即嘔血黑赤

芍藥二兩 半夏半兩 陳皮兩 右剉入生薑煎

三黃丸 治積熱吐血咽膈不利宜小便赤大便秘

黃連 黃芩 大黃等分 右末丸服

犀角地黃湯 治傷寒汗下不解鬱于經絡隨氣滯

泄為衄或清道塞流入胃吐血如鼻衄吐血不盡

餘血停面痿黃大便黑者方見傷寒部 潮熱狂加黃芩

大黃

黃耆芍藥湯 治虛家不飲食衄血吐血嘔血 黃

芩 芍藥 甘草 黃耆等分 右剉入生薑煎服

吐血

全九集 卷四下 三

荷葉散 治咯血 荷葉乾焙 右末米湯下

眩暈部

芎朮湯 治冒雨中濕眩暈嘔逆頭重不食 川芎

半夏 白朮各一兩 甘草半兩 右剉煎服

芎黃湯 治熱頭目眩暈 大黃 荆芥 川芎

單防風分等 右剉煎服

菊花散 治一切風頭目昏眩面腫 菊花 旋覆

三花 牛旁子 羌活 獨活 甘草分等 右剉煎

食遠服

癩癩部

續命湯 主癩發煩悶無知吐沫四體反張目反口

噤 竹瀝二升 生地黃汁一升 龍齒末 生薑 防風

麻黃 防已 附子 石膏 桂各二兩 右剉

煎服

三癩丸 治小兒百二十種驚癩 荆芥二兩 白礬一兩

半生半枯 右末丸

癩癩部

地骨皮散 治骨蒸壯熱肉瘦力困夜多盜汗 地

眩暈 癩癩 勞瘵

全九集

卷四下

四四

骨皮 蓼朮 柴胡 枳殼 知母 當歸 鼈

甲分等 右剉入桃枝烏梅煎

地仙散 治骨蒸肌熱一切虛勞煩燥 地骨皮

防風各一兩 甘草二錢半 右剉入竹葉煎服

清骨散 治男女五心熱欲成勞瘵去骨熱如神

生地黃二兩 人參 防風各一兩 柴胡二兩 薄荷七分半 蓼

朮 赤茯苓各一兩 胡黃連半兩 熟地黃一兩 右剉煎

服骨熱者服微利藥然後用之

人參散 治邪熱客於經絡痰嗽盜汗頭目昏痛四

肢倦怠 黃芩半兩 人參 茯苓 白芍半兩 半夏

赤芍 杜仲 當歸 甘草 干葛各一兩 右剉

薑棗煎服

潤神散 治勞瘵增寒發熱口乾咽燥自汗 人參

黃耆 竹葉 麥門冬 桔梗 甘草 右剉煎

服按分兩脫

散火湯 治男女四肢發熱肌熱筋熱髓熱捫之烙

手因血虛得之 柴胡八錢 白芍 人參 升麻

葛根 獨活 羌活各半兩 防風二錢半 甘草三錢一錢灸二



錢生用 右剉煎服忌食寒涼之物

柴胡湯 治虛勞榮衛不順潮熱黃瘦筋骨疼痛飲

食進退 柴胡二兩 枳殼一兩 鼈甲半枚 知母 甘草

各一兩 右剉入棗煎熱服

五蒸湯 通治骨蒸壯熱 石膏三錢七分 生地黃

葛根 茯苓各二錢二分半 竹葉 人參 黃芩 知母

各一錢半 甘草七分半 右剉入粳米煎服忌海藻菘

解癆散 治虛勞積氣硬噎塞膈痛徹背 白芍一兩

半 枳殼 鼈甲 柴胡各一兩 赤茯苓 甘草各半兩

右剉薑棗煎食後溫服

療疾新瘥未滿月者小兒溺飲之除根極効

蠱毒部

國老飲 治蠱 白礬 甘草 右等分末水調下

吐瀉黑涎

神授散 治蠱用升麻末三錢溪水調服

神仙解毒萬病圓 治五種蠱毒並一切諸毒用之

方在預丸之部

一方取蚯蚓十四枚以醋三盞浸之蚓死但服其汁

蠱毒

已死者皆活

二仙散 治中蠱吐下血如爛肝 茜根 藜荷根

各三兩 右剉煎頻服之自當呼蠱主姓名

健忘部

定志圓 治心氣不足恍惚夢忘 遠志二兩 人參三兩

菖蒲二兩 白茯苓三兩 右末蜜丸以丹砂為衣米飲

下

寧志膏 治心中恍惚一時健忘 辰砂 乳香各半

兩 酸棗仁 人參各一兩 右末蜜丸溫酒棗湯下

茯苓湯 治痰迷心胞健忘失事言語如癡 白茯

苓 陳皮 半夏 人參 香附 益智各一錢半 甘

草一錢 右剉入烏梅生薑煎

天地煎 治心血燥少口乾咽燥心煩喜冷怔忡恍

惚 天門冬二兩 熟地黃一兩 右末丸人參湯送下

一方戊子日取東引桃枝三寸枕之

癱瘓部

升麻湯 治臂上癱 白芷一錢半 升麻 桔梗各一錢

生地黃三錢 酒黃芩四錢 紅花 甘草各半錢 右剉煎

健忘 癱瘓

食後服

○ 內托連翹散 疔瘡出時皮色不變及不疼按搖不

動發寒熱便是用針刺服之自消散 連翹 白

芷 生地黃 赤芍 各一兩 大黃 薄芎 各七錢 朴硝

二兩 黃芩 兩半 甘草 兩半 右剉入燈心竹葉煎服

內消散 治癰腫結硬疼痛 人參 瞿麥 白歛

升麻 當歸 黃芩 防風 黃耆 沉香

甘草 各一兩 赤小豆 煮熟一合 右細末湯調下

解毒散 治癰瘡始覺 犀角屑 升麻 朴硝

赤芍 兩各一 木通 兩各一 石膏 兩三 玄參 麥門冬 甘草

各半 右剉煎溫服

葛根散 治癰腫熱盛口乾煩渴時乾嘔 葛根

黃耆 升麻 麥門冬 瓜蒌根 赤芍 梔子

生地黃 各一兩 黃芩 三分 甘草 兩半 右剉煎服

黃耆散 治癰潰後補虛去客熱 黃耆 石膏 各

兩 知母 麥門冬 白芍 白茯苓 桂心 熟

地黃 人參 升麻 各一兩 甘草 兩半 右剉煎服

門冬湯 治癰疽潰後膿水不絕 麥門冬 黃耆

門入五味子 白茯苓 人參 官桂 當歸 遠

志 川芎 各一兩 甘草 三分 右剉薑棗煎

清臚竹葉湯 治癰疽熱盛掀腫疼痛 生地黃 六兩

黃芩 芍藥 人參 知母 粉草 白茯苓 各二兩

兩升麻 黃耆 瓜蒌根 麥門冬 各三兩 右剉

每服一錢入濃煎竹葉湯一盞煎服

梅花飲 初作熱煩渴便服此防毒內攻 忍冬 四錢

瓜蒌根 葛根 川芎 烏梅 和核 黃耆 甘草 生

蘓木 各一兩 右剉煎服

五香連翹湯 治一切惡核癰癤癰疽 大黃 三兩 青

木香 沉香 乳香 丁香 麝香 升麻 獨

活 桑寄生 連翹 射干 木通 各二兩 右剉

煎熱服

內托升麻湯 治婦乳結核 升麻 連翹 青皮

甘草 各二錢 瓜蒌仁 三錢 右煎食後細之呷之

牡丹散 治肺癰胸乳間痛吐膿血氣臭 牡丹皮

赤芍 地榆 桔梗 薏苡仁 升麻 黃芩

甘草 生各一錢半 右末蜜水調下或為丸用茶清送

下

陰癩部

橘核圓 治四種癩病卵核腫脹或硬痛引臍或膚

囊腫瘡出黃水潰爛 橘核炒 海藻 昆布 海

帶各川棟子 桃仁各一兩 厚朴 木通 枳實

玄胡索 桂心 木香各半兩 右末酒糊丸鹽湯

送下

牡丹散 治兒外腎偏墜 防風 牡丹皮各等分

正右鹽湯點服

脫肛部

香荆散 治肛門脫出大人小兒皆治之方見論中

一方艾葉濃煎湯浸之即收

一方用木賊燒存性末摻肛上按入即愈

縮砂湯 治大腸虛而挾熱脫肛腫 縮砂 黃連

木賊等分 右細末空心米飲調下

荆香散 治脫肛 香附子 荆芥各半兩 縮砂二錢半

右食前白湯調下

眼目部

陰癩 脫肛 眼目

二妙散 養肝治目昏淚下 當歸 熟地黃分等

右細末無灰酒調下

洗肝湯 治肝實眼 人參 黃芩 赤茯苓 梔

子 芎藭 柴胡 地骨皮 甘菊花 桔梗各

兩黃連 甘草各半 右咬咀入苦竹葉煎食後

一服 水煎服

瀉肝散 治肝熱赤眼腫痛 梔子 荆芥 大黃

甘草分等 右剉煎服

一方治肝熱止淚明目治風赤眼以決明子朝取一

匙按令淨空心水吞下一方取決明作菜食之

撥雲散 散風毒退翳障去赤爛 羌活 防風

川芎 蒺藜子 荆芥 蟬退 甘菊花分等 右

細末桑白皮煎湯調下

杞苓丸 治腎虛水耗不升目昏遠視不明漸成內

障 枸杞子四兩 白茯苓八兩 當歸二兩 菟絲子四兩 青鹽

兩 右末蜜丸食前白湯下

地黃散 治白睛赤痒迎風有淚澀難開 生地黃

芍藥 當歸 甘草各半 右剉煎食後溫服

撥雲散 治男女風毒上攻目昏翳膜熱淚臉背紅

爛肉侵睛 羌活 防風 柴胡 甘草 各一兩

右剉煎服又末茶清調下忌醃藏魚鮓鹽醬濕麪

灸燂發風等物

細辛飲 治睛疼難忍 白芷 細辛 防風 赤

芍 等分 右剉煎溫服

明眼地黃圓 治男女肝虛積熱上攻翳膜遮睛多

淚退暴赤 牛膝 三兩 石斛 枳殼 杏仁 防風

各四兩 生地黃 各一兩 熟地黃 各一兩 右末凡食前鹽湯

送下此藥治肝腎兩經俱虛風邪所乘

荆芥散 治肝經目赤腫 荆芥 當歸 赤芍 各一兩

兩黃連一兩 右剉煎三沸洗病眼 麥門冬一兩 甘草

洗方 治暴赤熱腫眼 方見論中

耳部

解倉飲子 治氣虛熱壅或失飢胃暑風熱上壅耳

聾膿出 赤芍 白芍 各半兩 當歸 甘草 大黃

木鼈子 去殼各二兩 右剉煎食後臨睡服

一方 治聾耳有膿 五倍子 焙乾一兩 全蝎 燒灰二分 右

耳病

為末摻耳中

透耳筒 治因腎虛耳中如風水聲或如鐘鼓聲

椒目 巴豆 菖蒲 松脂各一兩 右末攤令薄

捲作筒子塞耳一日一易

犀角散 治風毒壅熱心胸痰滯耳聾頭重目眩

犀角屑 前胡 甘菊花 石菖蒲 枳殼 生

地黃 澤瀉 木通 羌活各半兩 麥門冬一兩 甘草

分 右剉煎食後溫服

一方 治耳聾 鼠膽汁滴入耳中尤妙

鼻部

開通丸 治鼻塞不通 草澄茄半兩 薄荷三錢 荆芥一錢

右末蜜丸噙化津吞按字典不載噙字

菖蒲散 治鼻不通不得喘息 菖蒲 皂角等分

右末每用一錢綿裹塞鼻中仰臥少時

蒼耳散 治鼻流濁涕不止名曰鼻淵 辛夷仁半兩

蒼耳子炒二錢半 香白芷一兩 薄荷一錢 右並日乾末用

葱茶清食後調下

一方 治鼻如瘤名曰酒瘡 硫黃 輕粉 細辛

鼻



乳香等分

右末并花水調搽是肺熱病也

芎藭散

治鼻塞不聞香臭

芎藭

辛夷

各一兩 細

辛三分木通兩半

右末少許綿裏塞鼻中濕則易之

五七日痊

唇口舌部

丁香丸

治口臭

方見論中

治口瘡羅服汁

方見論中

甘露飲

治口舌生瘡牙宣心熱

枇杷葉

石斛

黃芩

麥門冬

生地黃

甘草

各等分

右剉煎

不拘時溫服

綠雲散

治口瘡臭爛久不愈

黃礬

兩半 青黛

甘草

一草各二錢

右末臨臥以一字安舌下嚥津天明瘡

檳粉散

治口吻瘡浸不差

方見論中

黃連散

治唇吻惡瘡

黃連

一分 薑半

右末傳

瘡一方有膩粉

升麻飲

治脾胃有熱風冷相乘唇腫生核痛

麻

前胡

犀角屑

薏苡

甘草

各半兩

葛根

龍膽草

竹皮各一分

右剉煎食後服

一方 治重舌喉痺 方見論中

一方 治木舌半戛 方見論中

一方 治傷寒後舌出不收 巴豆 一枚 去油用紙燃

捲之入鼻中舌必收

門冬飲 治心熱盛舌上出血 麥門冬 生地黃

各一兩 甘草 一分 升麻 茵陳 各一兩 右剉煎服

一方 治舌上出血 黃連 半兩 黃蘗 三兩 梔子 七枚

右剉酒浸一宿煎服 入水煎服 黃蘗 兩 黃蘗 兩 黃蘗 兩

升麻散 治心脾熱上膈壅口舌生瘡咽喉腫痛

升麻 大芍藥 人參 桔梗 干葛 各一兩 甘草 半

兩 右剉煎溫服

一方 舌無故出血名曰舌衄炒槐花為末搽之

牙齒部

丁香散 治牙齒痛 丁子 草撥 蝎梢 大椒

等分 右末擦痛處津即吐

獨活散 治風毒攻蛀牙根腫痛 川芎 獨活

羌活 防風 各半兩 細辛 荆芥 薄荷 生地黃

各二錢 右剉煎溫服

牙齒

鰾枝散 牢牙去風 蛙齧宜發一切齒疾皆治之

槐枝 柳枝 各四十莖切 皂角 不蛀者 七莖 鹽 四十文重 右同

入甌固濟糖火燒一夜研搯牙

香鹽散 牢牙去風冷 方見論中

落牙方 方見論中

荆槐散 治牙宣出血不止疼痛 荆芥 槐花 分等

一方 右末貼患處

一方 治虫蛀牙疼 巴豆 三枚 乳香 錢一 右研丸如

麻子大塞蛀孔中

治咽喉部 蘇士四十八林去以凡土宜平且須小

桔梗湯 治風痰上壅咽喉腫痛吞吐不利 桔梗

一兩 甘草 炙二兩 右剉煎食後溫服又名甘桔湯

白礬散 治纏喉風急閉 方見論中

射干湯 治喉痺腫塞疼痛飲食不通 射干 白

芷 當歸 各一兩 杏仁 升麻 犀角屑 甘草 各半兩

兩 右剉煎溫服忌海藻菘菜

如聖湯 治痰熱咽中生瘡嚔物不下嗽血氣促兒

疹毒攻咽腫痛 麥門冬 半兩 牛旁子 桔梗 各半

咽喉

草生各一兩 右剉入竹葉煎又未竹葉湯調下尤妙

腋臭部

一方 治腋臭神效 蜜陀僧四兩 白礬枯二兩 輕粉三錢

右末頻擦兩腋下擦至半月見效半年全愈

一方以膽礬如璫璫者半生半煨末入膩粉少許同

研以薑汁調藥擦腋下

諸蟲部

聖効散 治寸白虫不拘遠近神効方見論中

治寸白虫用樵子四十九枚去皮月上旬平旦服七

枚七日服盡虫消成水永愈

雷丸圓 取虫積不檳榔 牽牛各半斤 雷丸一兩 棟

根一兩 大黃四兩 皂角半斤 三稜 莪朮各二兩 木香隨意切入

右末皂角膏子煮糊丸如黍米大四更時冷茶

清下二錢去虫以白粥補之

安虫散 治虫動心腹痛面白口中沫及清水 胡

粉炒 檳榔 鶴虱各二兩 白礬一錢 右末每服一

字水飲調服

婦人部

腋臭 諸虫 婦人

調經○牛膝散 治婦人室女血閉不通五心煩熱

紅花二錢 當歸 牛膝各五錢 桃仁二錢 右末

每服二錢空心溫酒下

牡丹散 治婦人月水不利臍腹疼痛不食 牡丹

皮 大黃各一兩 赤茯苓 生地黃 桃仁 當歸

桂心 赤芍 白朮各三分 石韋 大木香各半兩

右剉煎空心溫服

艾香煎 治經水不止 香附 白芍 熟艾等分

右剉煎服

崩血○一方黃 治崩中下血 黃芩細末每服一錢

一酒調下

如神散 治婦人血崩不止赤白帶下 香附 赤

芍等分 右末鹽湯溫服日十服見効

一方用香附子去毛炒焦末熱酒調下米飲亦可許

學士云治下血不止五色崩漏常服資血調氣是

婦人仙藥也

香附圓 治婦人室女一切血氣經脉不調腹痛面

黃心怔乏力腹脹脇痛頭暈惡心飲食減少崩漏

帶下大腸便血積聚癥瘕 香附子先燎去毛用  
好醋煮出焙米醋糊丸米飲送下治由氣不下降  
胎氣不固數墮尤妙

帶下○益母散 治赤白惡露下不止益母草開花

時採陰乾末酒下

如聖散 治帶下赤白年月不差 干薑 芍藥

香附各一兩 甘草半兩 右各末空心米飲調下

一方鹿角燒灰研食前酒調下

○寡瘧○生地黃丸 許學士云有一師尼惡風體倦

乍寒乍熱面赤心煩時自汗是時疫氣大行醫見

寒熱作傷寒大小柴胡湯雜進數日病劇予診之

日三部無寒邪脉但厥陰肝脉弦長而上魚宜服

抑陰藥予製之 柴胡 藜朮 黃芩各半兩 生地

黃二兩 赤芍一兩 右末蜜丸烏梅煎湯下

一方 治寡婦寒熱如瘧參蘓飲加黃芩服之愈方見

傷寒部

癥瘕○三稜煎 治婦人血癥血瘕食積痰滯 三

稜 莪朮各二兩 青皮 半夏 麥牙炒各一兩 右好

醋六升煮乾米醋糊丸淡醋湯送下

消石圓 治七癥八瘕聚結胚塊婦人帶下絕產腹

中有癥瘕 消石三兩 大黃四兩 人參 甘草各一兩

右各末好醋三升置銅器中先內大黃微火熬微

沸常攪不息至七分內餘藥後熬成膏至可圓卽

凡米飲下下如雞肝如米泔者忌風冷

陰腫○陰門腫以甘菊苗研爛百沸湯淋洗

一方馬鞭草搗爛塗之治陰腫妙也

陰痒○以蛇床子白礬煎水淋洗

陰痒不可忍杏仁燒作灰乘熱綿裏內陰中日二易

之法坐費重 香州一 蘇香 甘草各二 木末

陰脫○陰挺出脫以淡竹根煎水洗次用五倍子白

礬末摻之

當歸散 治婦人陰挺下脫 當歸 黃芩各二兩 牡

蠣二兩 蠟皮二兩 炙焦 赤芍一兩 右末食前米飲調

下

陰瘡○陰中生瘡硫黃研末付之

一方搗新桃葉綿裏內陰中日三易

嫁痛○治小戶嫁痛 牛膝兩五 右切以酒三升煮

至二升分三服

一方大黃兩三右切以酒一升煮一沸頓服

惡阻○人參橘皮湯 治阻病嘔吐淡水 人參

橘皮 白朮 麥門冬各一兩 甘草三錢 厚朴 白朮

各半兩 右剉入竹筴煎服

二香散 治妊胎不安氣不升降飲食不美嘔吐酸

水起坐覺重 香附兩一 藿香 甘草各二兩 右末

鹽湯點服

胎動○治胎動下血 熟艾兩各二 阿膠兩 葱白一升

右以水四升煮一升半服 又方川芎兩二 葱白一升 右以水七升煮二升半分三

服 治妊下血不止盡子死生乾地黃末酒服日三夜一

竹筴湯

治妊三四月腹痛時下血 續斷八分 艾葉

當歸各一兩 干地黄六兩 竹筴 阿膠 雞蘓各四錢

右剉煎服

胎上○治妊身痛或衝心欲死不食 白朮五兩 黃芩

胎上○治妊身痛或衝心欲死不食 白朮五兩 黃芩



二芍藥兩

右剉煎服

傷胎○妊誤服諸藥食致胎動不安

甘草 黑豆

淡竹葉分等

右濃煎服

妊心痛○白朮湯

治妊卒心痛欲死

白朮三兩 赤

芍二兩 黃芩半兩

右剉煎服

斷產○廣濟方落胎

瓜萋根四兩 肉桂五兩 牛膝三兩 瞿

麥一兩

右剉煎溫服之後如人行五里又進一服

子煩○妊苦煩悶者以四月受少陰君火氣以養精

氣六月受少陽相火氣以養氣母驚膽寒多煩悶名

日子煩

竹葉湯

治子煩

防風

黃芩

麥門冬

各三兩 白

茯苓四兩

右剉入竹葉煎服忌酢物

竹筴湯

治子煩

淡青竹刮筴一兩

右煎徐之服

熱病胎死○治妊熱病胎死腹中紅花酒煮汁飲三

錢

妊腫○治妊遍身澁腫

澤瀉

葶藶

各三兩

茯苓

枳殼

白朮

各六兩

右剉煎服小便利即瘥

滑胎○枳殼散

妊娠胎肥動止艱辛臨月服之易

產兼治腸中諸疾下氣寬膈方見論中如男婦冷氣攻

刺脇肋痛者葱白三寸同煎服

榆皮散 治妊娠滑胎易生方見論中

生氣○產婦宜坐臥產帳向大吉 正子 二丑

三寅 四卯 五辰 六巳 七午 八未 九

申 十酉 十一戌 十二亥

產難葵子湯 治橫倒生者方見論中

一方雲母粉方見論中

龍蛻散 催生 蟬退一兩燒存性 大蛇蛻一條燒存性 滑石

五錢葵子炒一兩 右末一錢順流水微溫暖調下

胞衣○牛膝湯 治胎衣不出臍腹堅脹急痛服之

胞衣爛下 牛膝各四兩 瞿麥各四兩 當歸三兩 通草六兩 滑

石八兩葵子五兩 右剉煎服

奪命丹 逐去衣中血之散脹消胎衣自下方見論中

一方 治胎衣不下 牛膝一兩葵子一合 右剉搗煎

服

一方 治胞衣不下 紅花二兩酒煮濃汁服

血暈○治產後血暈狂言煩渴 生香附去毛右末入

生薑煎服

一方生赤小豆搗末東流水和服

產後中風○羌活湯 治產後中風身背拘急 川

芎 羌活 羚羊角 酸棗仁 芍藥各四兩 桑白

皮六分防風五分 右剉煎溫服

當歸散 治產後中風不省人事口吐涎手足癱瘓

當歸 荆芥等分 右末煎入酒少許一沸服之

惡露不絕○續斷湯 治產後七八日惡露不止

當歸六分芍藥 續斷各八分 川芎 竹筴各四分 生地

黃炒乾十分 右剉煎空心服

返魂丹 治產後惡露不絕 益母草四五月採陰乾用葉及子

右按脫文

惡露不下○蒲黃散 治產後惡露不多下 牛膝

大黃各八分 牡丹 當歸各六分 芍藥 蒲黃 桂

心各四分 右末生地黃汁酒和調服

產後腹痛○桃仁散 治產後下血不盡腹內堅痛

不可忍 當歸 芍藥 桂心各三兩 桃仁百十枚

右剉煎服未愈加大黃三兩

產後腫脹○枳木湯 治心腹堅大如盤水飲所作

名曰氣分 枳實兩一 白朮兩二 右剉煎服

一方 治產後虛浮四肢微腫按方缺

產後瀉痢○黃連丸 治產後冷熱利 黃連兩六 烏

梅兩三 干薑兩二 右末丸米飲下忌猪肉

一方 治產後諸痢 煮薤白食之

戊巳丸 治產後腹痛瀉痢米穀不化 黃連兩三 吳

茱萸兩一 白芍兩二 右末麪糊丸米飲空心下

妙授散 治產後遺尿取故燕窠中草燒末酒調下

亦治男子

乳汁○三因曰乳汁不行有二有氣血盛而壅閉不  
行者通草瓜蒌主之有血少氣弱澁而不行者鐘

乳猪蹄鯽魚主之

小兒部

疳○木香圓 治瘦冷疳 木香 青黛 檳榔

肉豆蔻各二錢 麝半一錢 續隨子一兩 蝦蟇三箇 燒存性

右末丸食前薄荷湯下

胡黃連丸 治肥熱疳 胡黃連 黃連各半兩 辰砂

小兒

一分蘆薈 麝各一分 右研末飯和丸米飲下

黃連圓 治骨蒸疳勞肌體黃瘦 木香兩半黃連

生地黄 青皮 柴胡 鼈甲塗童便炙各一兩 右末

丸米飲下

肥兒丸 消疳進食 黃連 神麴 麥蘖各一兩 史

君子 豆蔻各半兩 木香錢一 檳榔箇一 右末麵糊丸

空心飯飲下

史君子丸 治藏府虛滑疳瘦下痢腹脇脹滿常服

安重補胃消疳肥肌 厚朴製 甘草炙 訶子半生

陳皮各半兩 史君子一分麩熟去麩 右末丸乳汁下

二聖圓 治久瀉疳瘦 黃連 黃蘗各一兩 右末

丸米飲下

橘連圓 治疳瘦消食和氣長肌 陳皮 黃連等分

右末丸米飲下

分氣丸 治疳 木香二錢半 黑牽牛半兩生用 右末麩

糊丸米飲送下

五疳保童圓 治五疳 青黛 五倍子生用 蘆薈別研

夜明砂布裹洗陶去砂土 黃連 龍膽 干蟾炙 棟根皮

麝別研 蕪荑

蟬殼去足各等分

右末粟米煮糊丸米

飲下

虻虫○二陳湯

方在痰部

加棟根皮五兩煎服治小兒吐

虻妙也

安虫圓 治上中二焦虛胃冷虫動及痛

干漆二分

炒出烟 雄黃

巴豆各一分

右按脫文

安虫散

治虫動心痛

方見諸虫部

靈礬散

治小兒虫咬心痛欲絕服之吐虫

五靈

脂末二錢

白礬枯半錢

右末熱湯調服

消食圓

治虻快膈進食

縮砂

陳皮

三稜

莪朮

神麴

麥蘖

各半兩

香附

各炒一兩

右末麪糊

九白湯下

夜啼○花火膏

治夜啼

燈花

一顯

右取下塗乳

上令兒吮乳

一方燈心燒灰塗乳與喫

一法於兒臍下用朱筆書田字一箇卽差

吐瀉○玉露散

治傷熱吐瀉黃色

石膏

寒水

石各半兩

甘草生一分

右末食後湯下

異功散 温中和氣治瀉不食凡治兒虛冷先與數

服以正氣 人參 茯苓 白朮 甘草炙 陳皮

右等分剉煎食前温服

人參散 治虛熱因吐瀉煩渴不止 人參一兩 茯苓

苓二兩 生犀 桔梗各二錢 甘草 干葛各半兩 右

未燈心湯下煩渴甚者竹葉湯下

梓朴散 治吐瀉胃虛及痰驚 梓州厚朴一兩 半夏

錢一 右同米泔三升浸百刻水未盡熬乾去朴只

取半夏末薄荷湯下

益脾散 治小兒吐瀉虛弱調脾胃 人參 白朮

茯苓各一錢 陳皮 厚朴各七分 木香 甘草各三分

右剉煎食前服

痢○黃連飲 治小兒痢 黃連 黃芩 大黃各一兩

甘草一分 右剉煎服若赤痢加紅花桃仁白痢

加滑石末

臍瘡○白龍散 治小兒臍瘡不乾 白礬枯 龍骨

等分 右末摻臍中

顛開○桂辛散 治顛開不合 桂心 細辛各一錢

干薑半錢

右末乳汁調敷顛

瘡疹○三豆飲

治天行豆瘡俱覺有此証卽服之

赤小豆

黑豆

菜豆

各一升甘草五錢

右陶淨水

煮熟任意食豆飲汁七日自不發

升麻葛根湯

治傷寒溫疫風熱頭痛腹痛瘡疹已

出未出

干葛

升麻

芍藥

白者甘草

右剉煎

服

二便秘瀉○四聖散

治瘡疹出不快及倒靨紫

草葶

滑竅木通

甘草

枳殼

等分

右咬咀煎服

一方有黃耆

青便自調○紫草散

發疹

黃耆

糯米

右剉

煎服

按此方似脫紫草

黍粘子湯

疹已出稠密身表急與之以防已後青

乾黑陷

黍粘子

炒當歸

甘草

炙各一錢柴胡

連

翹黃芩

黃耆

各一錢半

地骨皮

二錢

右剉煎服畢

且休與乳食

消毒飲

治表氣壅熱煩疹難出未勻透 牛旁子

炒六兩

荆芥

一兩甘草

炙三兩防風

升麻

各一兩半

右剉



煎服若大便利者不宜服之

門冬散 治痘已靨發熱煩渴 麥門冬一兩 人參

甘草 陳皮 白朮 厚朴各半兩 右剉煎溫服

蒺藜散 治疹痘入眼 蒺藜炒 甘草炙 羌活 防

風分等 右搗末研水下

如聖散 瘡疹初出急服乳兒乳母兼服四五歲已

外只兒服 紫草二兩 陳皮一兩 右剉入葱白煎溫

青服妙選方云疹氣勻即出快紫草滑竅去心腹邪

熱陳皮快氣葱開腠發散

化毒湯 治疹痘已出未出 紫草 升麻 甘草

各半兩 糯米分兩 右剉煎溫服○劉氏傳曰豆疹

欲出渾身壯熱不食服此一服即內消已有一兩

顆出即解其半若全出按已下缺文

升麻黃芩湯 治瘡疹出不快煩燥不得眠 升麻

黃芩 甘草炙 右等分剉煎溫服

四順散 患瘡疹四五日不大便秘又盛出喘急腹

脹小便赤服之 大黃 甘草炙 芍藥 當歸分等

右剉煎溫服

黑豆湯 治疹痘未作膿心膈燥睡不安 用黑豆  
煮汁徐之服

黃連散 治疹豆毒氣上衝口舌有瘡 黃連一味  
剉煎服

竹葉湯 治瘡疹不惡寒但煩燥尿澀多渴赤斑點  
者 石膏<sub>四兩</sub>知母<sub>二兩</sub>麥門冬 甘草<sub>各一兩</sub> 右剉

人竹葉煎服  
半肝散 治疹豆入眼成翳 瓜萋根<sub>半兩</sub>蛇皮<sub>二錢</sub>

右末紙裏米泔煮熟去紙服之 按此脫羊肝之事  
本草綱目引齊東

野語可  
并考

四物湯 治疹後毒氣攻眼或生翳膜赤之類 地  
黃 川芎 當歸<sub>各一兩</sub>芍藥<sub>一兩</sub> 加荆芥<sub>二兩</sub>

右剉煎服  
黃蘗膏 疹痘已出用此塗面 黃蘗<sub>一兩</sub>新菜豆<sub>一兩</sub>

半甘草<sub>四兩</sub> 右末生油調從耳前至眼眶並厚塗  
之日三次

胡妥酒 能辟污穢使瘡疹出快 胡妥<sub>四兩</sub>剉以  
一沸入胡妥又一沸 右每吸一兩口微噴從背  
用物蓋定放冷用

至足偏勿噴頭面

散毒湯 治疹痘未出或出未能勻遍又治諸瘡涼

膈去痰治咽痛 牛旁子一兩甘草炙半兩荆芥一分

右剉煎服

治瘡疹黑陷用人牙齒燒灰末湯服

治豆疹入眼黑狗耳刺血滴人眼瘡自散

小兒雜証○温中圓 治胃寒瀉白腹痛腸鳴吐酸

水不食霍亂吐瀉 人參一分甘草炙一分白朮一分

右末薑汁麩糊丸米飲下

犀角圓 治小兒風熱痰實面赤二便秘三焦邪熱

藏府蘊毒 人參 檳榔各半兩生犀角半兩黃連

枳實各一兩大黃二兩皮同炒去巴豆百粒去右末蜜

丸熟水下

獨活湯 治小兒風癩解表通裏 獨活 麻黃

川芎各一錢大黃 甘草炙各半兩右剉煎温服

地骨皮散 治虛熱潮作及傷寒壯熱餘熱 知母

柴胡 甘草炙人參 地骨皮 赤茯苓 半夏

等分右剉煎食後温服

黃礬圓 治小兒下血及熱痢 黃礬半兩芍藥四錢  
右末飯丸米飲下

理中圓 治手足厥冷吐利不渴米飲不化方見預丸部

治小兒耳後月蝕瘡 黃連 白礬枯 右等分末

傳之

治鼻下赤爛名曰蠶黃連末付之

金爪丸 治兒壯熱黃瘦及疳熱 黃連 黃礬

甘草炙陳皮等右末丸米飲下

五十五箇門論中但有方名而不見藥味今又

食錄之

三聖散 治中風舌強不語 沒藥研琥珀研各一分干

蝎七枚全者炒右末皂角末濃煎湯一合和梨汁半

盞調下即吐涎能言

四順丸 治手足微冷下利不止 人參一兩甘草

干薑各二分白朮一分右末丸之減甘草一分即

理中圓也

四物湯 治衝妊虛損月水不調常服調益榮衛滋

養血氣 當歸一兩熟地黃二兩川芎三分芍藥一分

右剉煎服崩血多者加熱艾

六味地黃丸 地黃兩一 山茱萸 山藥各二 澤瀉

牡丹皮 白茯苓各一 右末丸之食前溫湯下

木香檳榔丸 疎導三焦寬膈破痰逐飲快氣消食

木香 枳殼 青皮 杏仁 檳榔各一 郁李

仁 皂角 半夏各二 右末別以皂角四兩用

漿水一椀熬膏入糊食後服之一合味藥水半

吳茱萸湯 治胃暑伏熱腹痛 吳茱萸 木瓜 干

食鹽各半 右同炒焦先用磁甌盛水三升煮百

沸入藥煎服

小半夏湯 治咳逆穀不下嘔吐方見咳逆部

八味圓 治脾虛不得尅制腎水多吐痰唾而不咳

附子炮去皮臍 桂各二 山茱萸 山藥各四 澤瀉

茯苓 牡丹皮各三 地黃八 右末丸空心鹽湯

下減附子加五味子妙

蘓子降氣湯 治虛陽上攻氣不升降上盛下虛痰

涎壅盛 當歸 陳皮各三 半夏 肉桂 厚朴

各二 前胡五 甘草分一 紫蘓子五 右吹咀煎溫

服

黑神散 治婦人產後惡露不盡胎衣不下血氣攻

心 黑豆炒半升 熟地黃 肉桂 芍藥 當歸

干薑各四兩 甘草灸二兩 蒲黃三兩 右末每服二錢熱

酒童便各半盞下之

滲濕湯 治寒濕所傷身體重著如居水中小便澀

大便溏 蒼朮二分 陳皮 丁子各一分 茯苓 干薑

各一兩 甘草七分 右剉煎食前溫服

通氣散 治氣不宣流或瘡癩并捩挫腰脇氣滯不

散 茴香 木香各一兩半 甘草 穿山甲炒各一分 白牽

牛炒 延胡索各半兩 陳皮 右末每服一錢酒下病

在上食後在下食前不飲酒者木香湯下

補陰丸 龜板酒炙二兩 黃蘗半兩 知母三錢 五味子二錢 右

末酒糊丸鹽湯下

小建中湯 桂枝一兩 甘草二分 芍藥二兩 右剉入薑棗

煎溫服

腎著湯 治腎虛傷濕身重腰冷如坐水中不渴小

便自利 干薑 茯苓各四兩 甘草灸一兩 白朮二兩

右改咀煎空心温服

安神丸 治心煩懊懣心亂怔忡心下痞悶食入反

吐 辰砂四錢 黃連五錢 生甘草一錢 右末蒸餅丸

小如粟米大每三十九唾津送下

朱預丸部

蕪香圓 治傳尸骨蒸肺痿怔忡卒心痛霍亂吐利

瘴瘧瘀血丁腫驚癇木香 木香 辰砂 犀角

沉香 麝香 訶梨勒 小丁子各二兩 蕪香油一兩

安息香 香車撥 白檀各二兩 薰陸一兩 香附二兩 龍腦

一兩 右各有口傳製之蜜丸也 亦末 鹽酥 以末 煨

薑圓 養脾温胃去冷消痰治心脾疼寬胸進食

治一切冷物所傷 干薑 良薑 右等分末麵

糊丸橘皮湯下妊婦不服

守中金圓 理中焦不和治脾胃積冷心下虛痞腹

痛飲酒過多胸脇逆滿咳冷痰吞酸失味 干薑

一兩 甘草一分 蒼朮二兩 桔梗一兩 右各為細末丸之

消飲圓 治酒癖停飲痰水嘔逆目眩耳聾脇痛腸

鳴 枳實半斤 茯苓 干薑各三兩 木八兩 右末米糊

化痰圓 治停痰胸悶頭暈目眩不食咳嘔或傷生

冷者皆治之 木青皮 良薑 干薑 陳皮 右

等分末醋麪糊丸 苦參圓 治心肺積熱腎藏風毒攻於皮膚生疥癩

疥痒難忍出黃水大風手足爛瘡毛脫 苦參 兩

荆芥 兩 右末丸茶清下荆芥湯亦可 麥冬 兩

麪米圓 治中暑暴泄壯脾溫胃進食飲食傷胃膈

痞悶治之 神麪 炒蒼朮 等分 右末麪糊丸米飲

下 定志圓 治心氣不足恍惚驚悸多寐驚魘恐怒無

時朝羞暮劇暮羞朝劇常服強心志不忘 方在健忘部

小兒絲子圓 治腎虛五勞七傷腹急肢疼尿數陰

痿 方在虛損部

玄兔丹 治消渴遺精白濁 方見消渴部 號 茯苓丸

三黃丸 治男女上熱目赤口舌生瘡不食二便秘

疽瘡下血等有察三焦熱証而加減 方見吐血部

黃連阿膠圓 方見痢泄部



香連圓 方見痢泄部

備急圓 治心腹卒暴百病中惡脹滿卒痛如刺氣

急口噤 干薑兩一 巴豆去皮心炒香 大黃各二兩 右末

之茶清下

肥兒圓 方見小兒部

磨積圓 治小兒藏府怯弱積冷腹痛痰嘔腸鳴泄

瀉倦急消瘦不食疳肚大青筋口渴尿濁虛腫寒

熱往來虫動 干漆兩一 我朮兩六 丁子 青皮各一兩

三稜兩六 右細末丸薑湯下

生地黄丸 方見婦人部

三補丸 治上焦積熱泄五藏火方見虛損部

三才封髓丹 降心火益腎水方見虛損部

理中圓 治中焦不和脾胃宿冷心下虛痞腹痛滿

噎嘔痰逆噫酸失味不食霍亂腸鳴自利穀不化

白朮兩二 干薑分三 甘草分一 人參兩一 右末丸之又

加枳實茯苓名枳實理中圓除痞滿逐痰

和中圓 治脾胃怯弱陰陽不和三焦氣滯心腹痞

悶嘔逆痰甚頭目不清倦少力飲食減少肌體羸

瘦體煩疼常服和中順氣升降陰陽消痰止嘔長

肌起困進美飲食 藿香 人參 陳皮 各一兩 白

木 白茯苓 半夏 各二兩 丁子 木香 各半兩 右

細末麵糊丸食前薑湯下一方生薑汁糊丸之

黃連圓 治五疳羸瘦 胡黃連 黃連 青皮

陳皮 各半兩 右細末為丸米飲送下

二聖圓 治五疳瀉利面黃肌瘦口乾 方在小兒部

神仙解毒萬病圓 治癰疽發背及魚臍瘡人多不

識治諸風癩疹五種丹瘤能解一切毒被狐狸毒

鼠莽毒惡菌河豚毒食疫死牛馬毒或蛇犬惡虫

所傷 五倍子 三兩 山茲古 一兩 續隨子 去殼研去油取霜一兩

大戟 一兩 麝香 三錢 右除麝續隨外為末却入二

味研勻用糯米濃糊丸為四十粒每一粒生薑薄

荷汁并花水服合時宜用端午七夕重陽日合或

逐天德月德日尤重要在淨室焚香至誠端製母

令婦人雞犬孝子不具足人見之乃衛生之寶也

右二十四方日々用之而得奇驗故錄之預製丸

而施患人亦匪矣

拾遺部

○ 溺水○凡溺水死一宿尚可救搗皂角以綿裹納下

部須臾水出即活又將醋半盞灌鼻中

○ 凍死○四肢直口噤只有微氣者用大釜炒灰令煖

囊盛熨心上冷即換之目開氣出然後以粥清稍

之進之若不先溫其心便將火灸則冷氣與火爭

必死

○ 魘死○不得著燈火照亦不得近前急喚多殺人雄

黃末桃枝煎湯灌之

○ 骨鯁○治骨鯁入喉 縮砂 甘草等分 右末綿裹

噙之嚥津久隨痰出

○ 象牙磨濃汁吞之并治諸獸骨鯁

○ 鵬砂末新汲水調噙化

一法仍取所餘骨左右手反復擲背後立出

○ 折傷○雞鳴散 治從高墜下木石所厭瘀血痛

大黃一兩 杏仁廿一粒 右研末酒一椀煎六分

雞鳴時服至曉下瘀血即愈

○ 沒藥散 治打撲傷損落馬石壓一切疼痛 乳香

拾遺部

全方集  
卷四十一  
○四十一  
沒藥 川芎 白芷 芍藥 甘草 牡丹皮 香  
生地黃分等 右末溫酒童便調下

癩瘡作孔出血者用通紅炭火吹去灰帶火乳鉢內  
入鹽一撮急研末塞瘡口中令滿以絹帶緊縛不  
一可寬血立止痛定不作膿無水出極妙

接骨跌閃疼腫用生葱一把搗爛鍋內炒熟熱々の  
擲在腫疼處用絹包拴即可切不可飲冷水

治杖瘡用赤小豆細嚼敷於患處妙

治閃挫用生薑葱白爛搗和麪炒熱卷之亦水淋

竹木刺○爛嚼牛膝根卷之即出

用黑豆研爛水調塗妙

自縊○心下微溫者雖一日已上可救徐々抱住使  
繩寬解下切不可截斷微々燃正喉嚨用被蓋急  
用二管吹兩耳一人急引其髮不放手就用雙脚  
踏兩肩一人摩其胸一人徐々屈伸手足摩之如  
治以溫粥微灌之

一法即於鼻下人中穴針灸遂活

蛇傷○治毒蛇螫人急掘地坑以埋瘡處堅築其上

毒即入土中痛止  
蛇入人竅急用刀割尾挾辛辣物用絲縛定自出不  
可拔

辟蛇法雄黃成塊秤五兩帶之人山則諸蛇不敢犯  
中蛇毒勿渡水渡水則痛甚  
馬嚼○馬咬人作瘡毒腫熱痛刺雞冠血著瘡口急  
犬咬○治狂犬咬礮石末內瘡中裏之止痛不壞速  
瓜愈  
一方用生杏仁搗爛傳之

湯火○用石膏末傳之妙

一方小麥炒黑研清油塗妙

漆瘡○以韭葉研傳之妙

一方取蟹黃塗之妙

一方蜀椒煎湯洗之妙

癩風○附子硫黃

等分

末薑汁調先以布擦洗癩令損

用茄蒂蘸藥汁擦之白癩用白茄蒂紫癩用紫茄

蒂

一方用蛇蛻皮煎汁傳之

癩氣○癩氣先須斷厚味 海藻一兩洗去鹹 黃連二兩

右末少許置掌中時々舐之津吞下

乍癩○無故聲音不出者名爲失音用橘皮五錢水

三盞煎一盞頓服

一方治乍癩 杏仁三分去皮煎 桂心一分末 右和

搗如泥每如杏核大綿裹徐々嚥之日五夜三妙

疥癬○羊蹄根生切一兩 草烏頭一箇 硫黃一錢 白礬半錢 生薑

一分 右以米泔淹一宿研細入醞醋和勻入浴時

抓破疥傳之遍頃以湯洗去絕妙

治一切癬以半夏三兩搗末以陳醬汁調和如糊摩

塗癬上日兩三度即瘥

右自中風傷寒部至于婦人小兒並預凡拾遺凡

方法五百九道於諸家方書之內選効驗奇方錄

焉

類證辨異全九集卷之四下終

嚮先人手寫斯書時我在膝下年猶總角童子何

知纔投時師呻佔畢耳已長專意經籍未嘗屬志

於刀圭之事室家多難至舉我爲家督則家門之

學安得錯諸不講於是探先人遺篋而得斯書効  
畢昇之法刷印百本與之同志舊本四冊今以第  
一第四重大私各分上下裁為六冊餘從先人之  
手澤但依目錄陰腫剝一方痺與陰痒各脫一方  
其他誤脫蓋亦不少疑以傳疑庶幾後之覽者格  
其不逮而歸之於正焉文政改元之年冬十一月  
田澤仲舒識

卷一四

法疑活

法疑活

法疑活

田澤仲舒

